



文苑
補
遺
三

上
樑
文

廿
六

~ 20
2687
4



20
2687
4



文苑
韻
彙
編
卷
之
五
目
錄

上
標
文
一

健
陵
丁
字
閣
上
標
文

仁
陵
丁
字
閣
上
標
文

綏
陵
丁
字
閣
上
標
文

綏
陵
遷
奉
丁
字
閣
上
標
文

景
陵
丁
字
閣
上
標
文

顯
隆
園
丁
字
閣
上
標
文

徽
慶
園
丁
字
閣
上
標
文

宗
廟
增
修
上
標
文



去
五
味
均
平
藏



文苑
韻
彙
編
卷
之
五
目
錄

永寧殿增修上樑文

璿源殿增修上樑文

華寧殿上樑文

仁政殿重建上樑文

大造殿重建上樑文

通明殿重建上樑文

景春殿重建上樑文

會祥殿重建上樑文

熙政堂重建上樑文

興政堂重建上樑文

澄光樓重建上樑文

涵仁亭重建上樑文

藝文館重建上樑文

之地負海涵幸斯文極天罔墜大哉漢初元哀詔誕
揭魯春秋宏綱寓斧鉞於至精至微可以建諸天地
明義理於莫嚴莫大不啻炳如日星倚上聖二紀間
苦心期群蒙之咸躡嗟五月三十日末命立萬世之
大經原夫不貳不參之宸工本之惟精惟一之心法
蓋其體用本末罔非精義之克推所以政令施為沛
然江河之若决薰腴方被於率土普痛遽纏於窮天
寶齡未及於中身彼蒼者胡寧忍此至理可徵於後
事大聖人必得其藏顧茲華城叶龜之岡卜自往春
駐鸞之日密邇園寢恍晨昏於月遊控引山川信體

勢之天作御路直連於松栢精神氣脉之相貫通遺
志久寓於枌榆父老婦孺之尚傳說衛制纔成於新
邑孰認無樂君之衷寶幘移奉於行宮倘慰未老閒
之念當亦原之肇役先丁閣之載營萬年冰瑩已占
上吉之地四時芬苾最重虔安之圖瞻岡巒拱護之
形測圭景於位置酌古今華儉之度捐昔日之帑儲
材不煩陸海之輸事非偶爾制則倣原廟之義禮固
宜然於乎神慳鬼秘之佳基允叶日瞻月覲之孝思
栢楹松楠映珠砂而玲瓏風馭雲旌想神理之悅豫
回思移灋封之歲宛若隔晨爰設奉漢寢之儀忍忘

沒世恭陳善頌助舉脩樑

兜郎偉拋樑東光教峯含曉旭紅黃道赫然如立教
容光必照發群蒙

兜郎偉拋樑西岡禽噦噦岡梧低想像箕疇傳道地
一般聖統與之齊

兜郎偉拋樑南萬年堤水聖恩涵翠華何事不重到
徒使吾民樂哺舍

兜郎偉拋樑北花山瑞氣長蒼艷終南清漢阿鄒邊
三輔由来拱京國

兜郎偉拋樑上太一居中環衆象陳錫宗支萬子孫

於昭一德天心享

兜郎偉拋樑下曉夜祠官勤掃灑時出山雲雨太虛

穰穰嘉穀滿原野伏願上樑之後神道恒寧靈丘彌
固陟降庭止備五禮而居歆保佑命之綿百世而昌

熾迓景命於時萬時億申寶籙而如岡如陵
領府事
李秉模

仁陵丁字閣上樑文 憲宗乙未

伏以率土遺百世之思禮陟在上靈原定萬年之宅
寢成孔安詹有恤於魯宮筮克昌於姬籙恭惟純宗
淵德顯道景仁純禧文安武靖憲敬成孝大王歲符

尼降運啓河清在冲齡而誕撫洪基轉綴旒為盤泰
親庶政而首明大義炳衮鉞如日星敬天勤民之一
副規模即仁孝恭儉之為本闢邪勘亂之凡厥施措
乃聖神文武之極功藹深誠於承經春秋罔敢或懈
沛至澤於指帑水旱不知為災所以日用間常行莫
非天理中流出體乾元範化之妙萬物各得其宜敷
皇極錫福之治百姓徧為爾德監成憲而善繼善述
懋典學而成始成終銅闈分萬機之勞告訓以九經
四勿玉牒揚八字之號狀德如二典三謨凡御極三
十四年制治則一出中正而溥海數千餘里含生者

普被薰腴嗟至痛忍說於繼體倚嘉謨益篤於貽孫
念邦本之攸依尺衣有漸長之喜縱淵衷之自抑天
顏多非昔之嘆顧一時无妄之憂聖所不免以大德
必得之報理胡難誌厭代之真遊莫追徹昊之普慟
曷慰循大同於廷議爰舉定世室之儀驗篤佑於天
心預設奠聖人之地顧茲河上之正翰實是漢北之
靈丘屏幔盡控引之奇遙接月籠之頂襟帶作環抱
之象平臨金尺之流父老婦孺之相傳昔英考之傳
騁精神氣脉之所在迺長寢之聯岡嶽鄙顧瞻殆同
名太保之攻洛納風水聚合允符朱考亭之議阜陵

圖卜既叶於乙原經營肇先於丁閣喬山痛劍寫之
闕方當即遠之期漢寢奉衣冠之遊九重安靈之所
仰陟降之臨下寓四時虔享之誠得豐約之節中追
平日尚儉之德方圭景之既測迺鑿鼓之弗勝銀鏹
出官府之藏不用煩於民力舟車利木石之路若有
相於神輸佳氣之鬱鬱慈慈神理允愜明宮之枚枚
實實衆力爭趨薨標遙舉於佳城崇嚴象設之制簾
祀旁敞於神隧排置駿奔之班甫栢徠松瞻新構之
孔碩澗毛濱藻儼肇祀之維馨肆舉脩標敢陳善頌
兜郎偉拋標東白岳山高瑞日紅回首神京知近遠

五雲多處是金宮

兜郎偉拋標西密通先陵望不迷聖祖神孫承繼地
一般功德與天齊

兜郎偉拋標南黔丹秀色遠相參滔滔江漢流無極
長共深恩萬物涵

兜郎偉拋標北疊嶂環如星拱極澍氣扶輿飛舞來
千年留與壯宗國

兜郎偉拋標上星斗昭回天宇曠雲馬風旂在帝傍
神功啓佑長無爽

兜郎偉拋標下寶帳珠簾勤掃灑肅肅扃除護百靈

瑞芝甘露徵純嘏伏願上標之後珠丘長鞏金粟彌
光仁萬善而為包陵名誕垂於百代純一德而不已
廟躋齊高於上天前王不忘冀昭假於蒼莖孝孫有
慶迓永綏於宗祚

戶曹判書
李止淵製

綏陵丁字閣上標文

純宗庚寅

伏以萬靈衛護筮吉宅於龍蟠百堵齊興聳新構於
鞏華神居載奠精禋攸宜恭惟我孝明世子德茂元
良位隆正適準海推孝恪周寢之三朝承天代工穆
虞衡之七政群神饗德攝嘉薦於馨香八表歸仁騰
善頌於輝潤大猷方升於隆古真遊遠但於中途維

嶺之鶴馭莫追恫離暉之委照梧岑之象畊載始協
坤靈之獻符聿攷祥於青烏遂啓儀於素蜃山哀海
哭識遺澤之彌長地秘天藏徵嘉名之允叶京闕密
通庶慰平日之孝思岡阜綿延益占永世之洪緒既
茲玄扃之告闕式宜睭室之揭虔衣冠月遊稽漢制
於園寢蓮豆時薦秩周文於禴祠揆日景之夕朝午
針之位察星文而經緯丁字象形肆命敦匠之臣載
舉塗墜之役層巒上聳抗棟薨之規撫宰樹旁環列
筵楹之體勢薦裸興俯之有所勿替展敬之前規雕
鏤丹漆之無華仰體昭儉之遺志馨鼓競勸於馮靈

臺之告成鬯瓚恭將愀然清廟之復見嗚呼光華之
寢遠尚庶瞻依而不忘文几華首儼重熙之聽事方
埒彤祀想貳極之啓興甫栢徠松既信美於輪奐澗
蘋潦藻冀永歆於苾芬爰颺六偉之辭恭迓萬年之
祉

兜郎偉拋樑東峩山秀色上盤空條風旭日春長住
猶想青陽布化隆

兜郎偉拋樑南蕊籠佳氣捲晴嵐先陵地近無凡卉
松檜千章碧落叅

兜郎偉拋樑西雲氣蓬萊望不迷歷歷前春清蹕路

千峯簇仗羽旗齊

兜郎偉拋樑北萬丈竒巖青不泐億載宗祊奠泰盤
百神咸受明堂職

兜郎偉拋樑上咫尺照臨天宇曠齋沐祠官曉見星
香烟藹藹并流鬯

兜郎偉拋樑下荳花雨足澄泉瀉至今餘澤在生靈
杭稻油油盈四野伏願上樑之後靈祗永佑幽宅孔
安序顯相於駿奔踰濟濟錫純釐於燕翼繼繼承
承珠丘凝祥棟宇與山嶽齊固璇籙衍慶曆服共天

地偕長

兵曹判書
洪爽周製

綏陵遷奉丁字閣上標文

憲宗丙午

伏以仙隧重啓普切若初之恫明宮載隆舉幸維新
之祐攀雲鄉之劍烏安月遊之衣冠恭惟翼宗敦文
顯武仁懿孝明大王正體居尊履命垂統二帝三王
之業夙詢齒學之辰九經四勿之工早膺身誨之訓
猗歟萬幾之代聽時則八表之歸心納諫諍而蒐隱
淪郝俞吁咈傲字撫而振貧之匡直勞來絲綸動為
典謨在文章猶是餘事服御安乎澣濯惟勤儉出於
自然甲觀篤祚胤之祥臨一堂之三聖子職隆顯親
之孝晉九爵於連年察及群工而規恢涵容知周萬

物而懋在謔訪徽猷章而天縱峻德茂而日弘雖在
宴晦幽獨之時所不接者宦官宮妾是以聰明英達
之政卓然冠乎古先哲王庶幾昭融之休永迓闡繹
之運嗟春秋之鼎盛遽穹壤之震驚仰純廟之至仁
豈或上天之不吊若大化之相效柰此下民之靡依
不敢過三年之喪追流先於慨廓可以觀七世之德
歲彝典於崇躋第惟天藏酉卯之封不無地家甲乙
之論匪曰呂氏灤水之說有徵於今粵稽朱子阜陵
之章莫慎在此惟我聖上以冲齡不洎之慟有終天
未校之思歲時之瞻相既勤隱在宸度日月之緬襄

宜亟懷惟永圖必信必誠稟兩殿而克允至大至重
諏百僚而僉同爰卜象鳥耕耘之崗近在龍馬翔舞
之地金粟鞠兆久矣鬼秘而神慳玉輅審形美哉山
趨而水拱哀庚年之寢邈玄和復廢頌寅奉之架虔
蒼籙孔固既堂斧之崇樹迺殿觚之告營松栢拱象
設之儀筵惟有靚棟宇儼翬飛之勢鑿鼓弗勝烝嘗
之獻罔愆用寓存慈之禮陟降之靈斯在悅承警效
之音式贊成功恭陳遐祝
兜郎偉拋標東七陵佳氣瑞暉紅翠華依舊青繩路
緬憶春秋謁寢宮

兜郎偉拋標西十里城闔望不迷海潤星輝如昨日
至今歌誦泣遺黎
兜郎偉拋標南一江春水碧雲涵恬波迥入朝宗路
神化洋洋海共覃
兜郎偉拋標北水樂堪巖呈秀色有時不騫挹灝英
國之華蓋環宸極
兜郎偉拋標上雲河杳杳星躔朗皇靈於赫配無疆
俯視寰區垂景貺
兜郎偉拋標下清曉祠庭供掃灑時見煌煌產玉芝
葉間甘露如珠瀉伏願上標之後天休益茂坤維恒

寧漢陵相望密邇豐鄩之宅殷寢有奕長發景亮之
基弘文提學
趙斗淳製

景陵丁字閣上櫟文 憲宗癸卯

伏以翟輅晨駕玄宅備隆顯之儀璐寢霞舉丹楹頌
曼頌之制新搆載屹明靈攸依恭惟大行王妃金氏
太母懿親名相萃胄異瑞徵降彩之日以赫厥靈仁
心推及物之功不顯維德履中壺而克敬克順坤道
無疆奉兩殿而盡禮盡誠徽音是嗣漢明德之率下
以先仰母儀於八埏周太妣之助內者深賁聖化於
七載方期景命之有僕詎意仁壽之無徵玉度違和

謂一時之旣妄寶婺收彩嗟上天之難諶肆寢園之
載營遂圖卜之以獻詹金粟於龍盤鳳翥天作高山
驗珠丘於象耕鳥耘灑遷舊址倚歟岡巒之環抱復
近仙陵迨若神鬼之秘慳有待今日陰儀奄闕曷慰
唐宗失良佐之悲地靈孔彰寔符魯邦葬小君之禮
逮庚原方加崇樹而丁閣肇起宏規仙隧復開依舊
儲祥之吉兆真遊已邈尤重安靈之明宮詢臺史而
相基斯丘信美命司空而董事衆力爭趨於馬鑿鼓
之不勝修見松楠之有烏屏幔畫控引之勢佳氣則
鬱鬱葱葱檐楹呈跂翼之形其制也枚枚實實禰匣

之寶藏祇護期萬年而無垠豆籩之虔薦以時享四
序而靡替恭陳善頌載舉脩禱

兜郎偉拋樑東繡棟先迎瑞旭紅回首神京知近遠
五雲多處是金宮

兜郎偉拋樑西靈珠秀色與天齊七陵松栢環相映
蒼翠亭亭一望迷

兜郎偉拋樑南彤簷日夕繞祥嵐寶奩塵掩椒香寐
嗚咽宮人誦葛覃

兜郎偉拋樑北其楹有旅其庭殖從知幽宅有真緣
吉運重回天不貧

兜郎偉拋樑上渺邈雲鄉空悵望夜月泠泠松籟生
侍兜鳴珮如聞響

兜郎偉拋樑下羽帳珊簾勤掃灑長陪先靈在帝傍
却令下土蒙純嘏伏願上樑之後霞陞永鞏寶御恒
寧簾幃靚深仰容衛之孔肅高祀遠穆愴德儀之莫
攀百神並趨扶棟宇而悠久諸福畢至相宗祐而靈

長

知中樞
洪敬謨製

顯隆園丁字閣上樑文 正宗己酉

伏以吉岡改卜保佑自天靈閣告成經營不日玄隧
再奠丹楹一新恭惟思悼綏德敦慶弘仁景祉莊獻

世子挺日月姿貫天人學威顏肅穆得居尊履正之
儀睿度淵洪有積厚流長之象攝庶政於貳極祇承
寧王啓昌運於萬齡篤生聖子天上之真遊寢遠域
中之普慟猶纏猗我聖明之光臨備極典禮之隆奉
徽稱象德登冊寶而揄揚綉儀歲經賁牲幣而崇報
惟茲東原之仙寢每勞北宸之孝思密邇城闈雖便
時節之展省頰仰岡麓或欠體勢之鞏安精誠孔昭
耿夙夜而如結事體至重繇歲月而靡違一疏幸契
於淵衷大計爰定於水邑龍盤鳳翥自古稱福地明
堂鬼護神呵至今有祥光寶氣詢謀允協奚止堪輿

家贊嘆標識昭傳已經祖宗朝擬議鶴駕暫駐感不
偶於昔年虎丘夕虛若有待於今日方治癸原之象
設先建丁閣之暈飛灤水見和仰睿懷之怵愴金粟
營宅瞻寶構之奐輪憑霽雲而列楹山增縹緲之勢
俯迴野而開牖庭延明壇之光於乎聖孝之出天光
矣寢廟之得地恤民隱而敷惠雖遷如歸捐帑儲而
助工有贏無詘謳歌遺澤共般倬而効誠膺蠻新庶
奉籩簋而迓祉恭陳善頌以侑脩楹
兜郎偉拋樑東花嶽旁連舞鳳峯檻外朝朝賓瑞日
日光山氣共玲瓏

兜郎偉拋標西溟瀛萬里接坤倪源流盛大無終極
願我宗祊景命齊

兜郎偉拋標南川長野遠與天叅圓明一麓驪珠似
宛在中央手可探

兜郎偉拋標北清漢終南望隱若三輔由來壯本朝
萬年新兆增祥籙

兜郎偉拋標上松栢新栽日長壯原廟功成王孝彰
洋洋陟降垂靈貺

兜郎偉拋標下歲歲明誠薦玉笋稽首祠官祈祝長
百靈擁護幽宮妥伏願上標之後丹雘長新棟棟彌

鞏既安且吉芬苾昭格於四時俾熾而昌本支蕃衍
於百世譬如岡陵之高厚必有福祿之靈長

判府事
李福源

徽慶園丁字閣上標文 總宗癸未

伏以禮重報本賁靈原之衛儀誠推事生敬崇閣之
輪奐自天有佑不日而成伏惟顯穆綏嬪朴氏懿範
令姿名門華胄迪芳猷之淵塞夙著奇徵秉玉度之
溫純迺膺德選昔寧考殊禮相待微幣備入宮之初
我聖母恩遇無間絃絃贊主壺之化肆庚年篤生聖
子倚景祿迺續邦休奚但誕育恩深啓本支之繁衍

抑亦保護功大取夙宵之憂勤千乘之志養方隆萱
堂播頌晚年之福祿愈盛銅闈供歡惟遐祝政期於
千春何哀問遽騰於一夕音容永闕聖情之哀疚無
窮朝晡屢遷有司之治具乃備於是即青郊十里之
地奠玄塗萬歲之藏挹七陵之仙丘不遠伊邇卜先
園之遺址雖舊維新境接清涼漢水之協氣暗控路
出安樂周京之瑞霽相通原夫謹象設所以衛幽堂
建虹構所以薦禋祀土圭測景乘卯作之吉岡木石
趨功昉丁字之華制天地陰陽之相參合龜筮允臧
精神氣脉之所會融鳥暈斯屹丹楹璀璨殆造物者

相之玄扃清嚴在神理亦安矣斯乃宸誠默感明祇
效靈山若增高水若增深鳳翥龍舞肅然有聞儼然
有見薌合醴齊風雨攸除永有瞻依之所霜露既降
那堪怵惕之思贊舉脩禱敢揚善頌
兜郎偉拋標東龍馬峯含瑞旭紅河渚負畝今幾歲
尚餘佳氣鬱葱葱
兜郎偉拋標西望中京闕與天齊雲旗風馭遊何處
夜夜簾櫳月欲低
兜郎偉拋標南春來江漢碧於藍閭閻撲地皆環拱
雨露桑麻樂哺舍

兜郎偉拋樑北山出天藏多秀色發秘呈奇自有時
瑤題彌鞏於千億

兜郎偉拋樑上常教雲氣來相傍寶鑪香霽與薰蒸
一理昭蘇垂景貺

兜郎偉拋樑下分付祠官勤掃灑神路逶迤連寢門
靈颺拂拂動麟馬伏願上樑之後五祀常虔諸福畢
至松杉成衛繡戶擁山河之扶遘豆載陳寶錄綿崗
陵之祝標神宮之有恤贊邦祉之無疆

都承旨朴
宗薰製

宗廟增修上樑文

憲宗丙申

伏以基我萬億年之承承務以孝為仁之本建茲十

六室之繹繹因於禮所益可知將多于前如在其上
蓋立廟必國都之左而報本乃王政之先周宮清明
不顯臨於肅肅魯寢曼碩降福多而皇皇七世之德
可以觀修其廟陳其器設其衣薦其食三代伊始有
是禮春曰祠夏曰禴秋曰嘗冬曰烝粵我廟安洋洋
之靈自先君有奕奕之作二昭二穆配高廟而為度
於諸侯以德以功奉世室而不祧於百代瞻彼松栢
之嚴翼猗我瓜瓞之延綿間經兵燹之播遷復一初
之規度更緣宗祏之躋紂恢四架之繕修不意前後
五年之間荐遭過密八音之慟頌巍蕩難名之化奄

若浮雲之過虛憶謳歌有歸之時忍言前星之晦彩
君子有子統序克正於宗裡太王追王情文允合於
達孝迨緜儀將舉於遷主差廟貌奈偏於周堂籩豆
牲骨有礙殷祭之陳設笙管羽籥難容唐途之周旋
地有餘裕而綽然制之所加者禮也惟我主上殿下
膝廬孝著堯牆慕深我享我將戒夙夜之時保肯堂
肯搆念陟降之日監乃命地部增建之工始自月正
大饗之後寶座聯甲乙之帳拓新制於東廂圭臬正
丑未之基仍舊貫於南面數朔慶熙宮移奉一遵英
廟朝遺規俾窮薊之不煩深仁仰體於昔日叶隆棟

之云吉新命斯驗於藩邦維夏楅衡將有事於列祖
不日斲尺燬改觀於都宮恭伸杵呼庸贊樑舉
兜郎偉拋樑東扶桑天曙一輪紅朝朝萬古光明象
遍照吾邦八域中
兜郎偉拋樑西蓬萊御氣五雲齊冲年嗣服吾王孝
追遠誠深敬日躋
兜郎偉拋樑南廟前杉檜碧鬘鬚千年瑞靄慈龍處
時有風薰更露甘
兜郎偉拋樑北庶民星拱臨辰極長留澍氣勢龍盤
三角聳霄連嶽色

兜郎偉拋樑上於昭降格明經享肅雍多士奉我璋
五夜穆清鐘磬響

兜郎偉拋樑下四時百禮宜純嘏崇牙樹羽在其庭
萬舞方將升二雅伏願上樑之後寶籙永鞏神道常
安屢豐呈祥供粢盛於曾孫之慶九如騰頌有椒馨
而胡考之寧咸曰饗宗廟而保之可以宜君王於來

許大提學中
在植製

永寧殿增修上樑文 憲宗丙申

伏以王者立廟而饗焉禮之有祧也久矣壇墠特尊
於昭穆奉周室之先公享祀不或於春秋配魯宮之

后帝念太廟有永寧之殿猗我朝盡追遠之誠建四
祖裕享之宮位序遵宗伯之辨遷五世親畫之主儀
文倣夾室之藏禮云遠祖為祧親疏有數祭或群宗
並舉禘嘗以時惟我主上殿下御于家邦念茲堂構
懋祈永於敬德惟恤惟休頌有成於肇經丕承丕顯
紀典咸秩於嗣服廟儀將備於設廟宅土肇基追慕
緒業之綿遠明本陞祔愴念代序之迭遷今茲神位
之安靈奈彼殿宇之逼窄方其灌鬯而舍食悅覩黼
座之儼臨無由陳器而設衣實難黜聖之仍舊顯廟
時增建有例成憲監先英宗朝圖式尚傳聖謨裕後

肆因奚斯之故制爰始匠氏之新工東西兩樑恢遠
圖而餘地有裕前後一揆喜大役之不日乃成見于
羹而于墻笙磬鞀鼓而奏假命是尋而是尺棟宇礎
祀之改觀啓佑罔缺於燕貽惟新厥命制度依舊於
鳥單將多前功載舉脩樑庸申善禱

兜郎偉拋樑東萬世無疆我東開國文明有象日出
東海之東

兜郎偉拋樑西緬思鳴鳳岐西猗歟漆沮陶穴此及
文王顯西

兜郎偉拋樑南璿源夙溯完南累仁永世餘慶藹若

薰風自南

兜郎偉拋樑北王臨咸開以北八陵佳氣鬱葱萬姓
仰如辰北

兜郎偉拋樑上陟降洋洋在上昭明悽愴恣蒿瑞霽
長留殿上

兜郎偉拋樑下休矣紹庭上下世濟吾王孝思永有
辭于天下伏願上樑之後鴻猷善繼鳳曆靈長衍我
祖而降之百祥慶孝孫而卜爾萬壽圍八域之熙皞
滿天休於豐年黍稌綿百世之本支奠國勢於泰山

磐石 大堤學申
在栢製

璿源殿增修上樑文

憲宗丙午

伏以行莫大於尊祖尊親躋兩朝之摹繪孝莫先於
肯堂肯構展五室之規撫是乃我家禮宜之允矣善
述人事者念大內璿源舊制即三聖神御攸隆草創
於明陵晏駕之初猗歟四紀仁化瞻依如文昭別殿
之奉儼然七分睟容頌周穆清寓練越之愀見儀漢
原寢奉衣冠之真遊遂逮我英宗堯明舜哲之聖亦
粵我正考文成武烈之治世德作求下武詠在天之
配宮室既築夫子嘆饗神之誠洪惟我純宗大王天
挺上智聖神道躋大猷熙洽端拱三十餘載甄百度

而涵元默啓萬億无疆履四勿而裕後翼宗大王憲
章祖述聰明睿知聽厯化於謳歌萬幾時攝揭鴻跼
於琬琰百世其宗自庚寅甲午以來我冲人之至慟
莫慰惟闕宮誠軒之奉尚咫尺之威顏不違然而時
節享禋無以舉矣日月展省無以致焉我主上殿下
迺以崇報之思爰講陞祔之節既右我祖情文之所
叶當立愛自親禮經之所著載制倣南殿位次儼同
旨稟東朝慈意允可於是葺棟宇而增其袤拓地于
西集般倭而養其工吉日維卯皇其繼序廟貌與世
室并尊上而紹庭祭祀則列祖是衍攀衡斗而天香

重鑿望玉欄西花影新添日表龍章宛如觀德之廟
重房復屋皆為見聖之牆神理不遠於人情想陟降
之悅豫衆心咸準於聖孝拊新舊而愴欣皇皇如求
時則灑朝禮畢洋洋乎在行且華虹節回是之謂報
本而追先抑可慰終身之永慕於乎休哉恭陳善頌
助舉脩禱

兜郎偉拋標東朝日新開黼座紅樹樹仙桃春色裏
依然冠珮大明宮

兜郎偉拋標西景福金城遠御溪記取當年開寶殿
至今佳氣鬱蒼齊

兜郎偉拋標南紫閣祥光翠欲涵一道薰坊雙鳳角
朝朝應共白雲叅

兜郎偉拋標北華嶽群峯青秀色護得神宮萬年基
有如星拱辰居極

兜郎偉拋標上霄漢無邊秋色亮日遣槐龍舞飛來
御香欲上紅雲掾

兜郎偉拋標下童童翠柏濃陰瀉太監內僕皆知恩
堂下庭前勤掃灑伏願上標之後邦運靈長天休滋
至曾孫有慶永勿愆於茲芬前王不忘詒厥謨於盤

泰頌議政權
敦仁製

文苑補遺

讀編卷五

上標文

十一

華寧殿上樑文

純宗壬戌

伏以雲馭寢邈遺民泣二紀之恩日表儼臨靈宮爰
萬年之享愷如復見興焉載新恭惟正宗文成武烈
聖仁華孝大王孝通神明仁浹覆載聰明睿知首出
庶物禮樂刑政迥冠百王學貫天地人三才道兼君
師父一體以五倫三綱為始啓萬世之太平非六經
四子不言集群聖之大統方華封請祝千歲嗟文齡
未及中身泰山其頽斯文之將廢也命虛雲已過聖
人之所存者神猗我后踐位宅宗迺一念繼志述事
喬山劒鳥遵遺旨於壽丘清廟琮璜觀盛德於世室

殿殿之黼宸孔邇縱陟降之於昭嚴廬之日月易道
奈孝思之靡逮幸茲摹天之寶軸永慰沒世之輿情
玉斗珠衡尚春秋鼎盛之際天香御座悅蓬萊昵侍
之筵衣章倣溫泉幸行羹牆寓慕瞻依在園寢咫尺
晨昏展誠雖萬事滄桑之餘臣民有覲光之所顧四
時芬苾之薦邦家重像生之儀睠彼鬱鬱豐沛之鄉
曾是年年羽旄之地十載之權度默運樓櫓城池一
方之雨露偏沾桑梓湯沐奉慈駕於長樂至今傳稱
觥萬壽之詩揭華扁於耆耋慨然有脫屣千乘之志
深推昔年之眷顧爰創不日之經營宋章閣之重開

宛若天臨奎辟漢原廟之特置奚但月遊衣冠龍旂
虎賁鬚移譯之儀衛翬飛鳥革恢拓法殿之規撫
立祠官而治吉蠲之需隆殿躡而表虔奉之義彰施
則惟土五色昭儉德於卑宮明禋用大蜡千秋肇殷
禮於備物父老掩涕即靈臺子來之民薨楠生輝增
高山天作之勢金粟之堆入望既神理之攸安玉欄
之花可攀詎真遊之云遠允符兩楹之夢那忍六偉
之歌頌曰

拋樑東出日在東疊疊王孝準海之東

拋樑西八達在西若周之岐王享于西

拋樑南仙寢在南二十五年無樂面南

拋樑北萱闈在北維卯之春挹彼斗北

拋樑上洋洋在上今王聖明馨香并上

拋樑下駿奔在下重瞳八彩有赫臨下伏願上樑之

後遺豆靜嘉棟宇鞏固花山之東柳川之北佳氣匝

烟火而鬱葱百世在後千載在前聖澤與天壤而悠

久青繩御路擬待謁陵之年白髮舊臣空悲紀實之

筆水原留守
李晚秀製

仁政殿重建上樑文純宗甲子

伏以六龍捧日丹宸敞北辰之居八柱承天紫殿正

南面之位轉災為瑞雖舊維新原夫左城右平之規
粵自漢長樂受賀九室八窓之義若稽周明堂出治
靈臺之庶民自來化及鳥獸魚鼈斯干之百堵皆作
頌叶室家君王卑宮采椽雖聖人克勤而克儉高臺
廣厦顧王者不重則不威巍乎昌德丕基儼然仁政
法殿昔英陵文物之大備實始經營逮宣廟兵燹之
既平重新輪奐瞻璿殿而拱清廟配陟降於昭之靈
面引慶而負神嵩湊山河鬱蒸之氣體重路寢遠倣
大極皇極之儀史稱正衙近取勤政明政之制五禮
九功之所惇叙百官萬民之所瞻昂辨色入朝劔珮

秩王會之序按月布令象魏肅天闕之懸鏤玉摸金
殿上皆呼千歲菟麟羅鳳日下常奏五雲昭皇朝九
錫之恩陞級示等威之截協聖祖重光之譜庭簾播
政教之和顧惟二字之名寔推萬化之本春虛物茁
天地之大德曰生澤潤海涵聖人之所過者化義農
堯舜禹湯文武以是相傳格致誠正修齊治平於斯
為始蓋茲殿天造地設永祚東方粵我家聖繼神承
式至今日恭惟主上殿下乾坤覆載日月光華迓駿
命於玄穹猗歟萬年不接敷鴻化於紫極慨然三代
自期一政一謨監茲先憲仁心仁聞浹于下民嗟曩

日鬱攸之灾即我后堂構之會今天大警動蓋將勵
精圖治若室勤墜塗所貴述事繼志華蓋之建蹟可
鑑殆若造物相之玉帶之舊圖之微曷比先王觀也
慈旨惻怛奉徽猷於簾帷廷議僉同協吉繇於龜筮
拓靈光之嘉址屹含元之脩楹郢石魯班競奏風斤
月斧徠松栢悅疑鬼運神輸毋奪民時始尋尺之
勿亟如趨父事終擊鼓之不勝是月也定之方中其
義則取諸大壯藻井內耀晶光壓朱明之神龍首上
蟠呼吸通紫微之座增九闈之氣色和風轉白玉之
墀聳八方之觀瞻旭日射黃金之榜大而卿士小則

民庶騷然若披霧覩天內自宮闈外至朝廷鎮之如
宅師定鼎載陳六偉之頌恭替九如之詞

兜郎偉拋標東上元甲子瑞曦紅王心藹若陽和至
萬品同歸發育功

兜郎偉拋標西金天正氣肅端倪今年大有書惇史
四野黃雲一色齊

兜郎偉拋標南薰風曲裏化功叅邇英誰是堯夫講
晝漏如年日接三

兜郎偉拋標北華岳三峯天咫尺繡線新添愛日長
流虹壽爵仙桃色

兜郎偉拋樑上衆星環極森相向燕消不與堂皇殊
對越一心來景貺

兜郎偉拋樑下林慈摠我同胞者重門洞開天階尊
薄海三千大庇厦伏願上樑之後飛華長輝并恒彌
燬虞廷騰喜起之什宵旰萬機豐水貽燕翼之謨本
支百世上下千五百載復見化日仁風衡縱三十二

楹永奠泰山磐石

廣州留守
李晚秀製

大造殿重建上樑文

純宗甲午

伏以易取大壯合宮象竒耦之形禮察造端明堂列
陰陽之序惟其正位而居體於焉仍舊而圖新粵自

漢都卜年斯有東西兩闕穆陵盛際重修內外正堂
無令後世加之木不雕鏤可此先王觀也制昉城平
然惟乾坤之辨方必有宮寢之異位蓋後星含曜天
堂聯紫微之垣中壺主治坤儀秉黃裳之吉麟趾為
闕雝之應室家君王翟瑜抗斧宸之尊簾帷堂陞列
女有圖畫漢宮開濯龍之門春衣無繡紋宋殿題司
馬之帖肆有我家制度最重內地深嚴鐵鳳飛甍鬱
上聳而凌漢金鰲對雷穆中處而籠雲房而鳴珮陞
而奏鷄琴瑟鐘鼓之樂春則養蚕夏則獻繭粉米黼
黻之章鬯閨闈之徽音史述彤管配茅茨之淵化日

文苑補遺 卷五
二
亭玄墀百祿攸廬巍乎爾穆群靈來衛佳哉蕊龍至
若錫之嘉名厥有與旨大衍叶吉廣輪則應兩儀四
象八卦三百八十四爻造化同流戶牖則像四序五
行七宿一歲七十二候廓海宇之無外涵育八方協
坤元之資生絪縕萬物所以二十朝相授為修齊治
平之基傳之萬億年無疆膺壽富康寧之福恭惟淵
德顯道景仁純禧主上殿下至道凝命列聖傳心雨
露均華德參天地之大薰腴廣被仁孚跂螭之微惟
祖宗勤儉之謨必以遵守為義若臺池苑囿之美未
嘗好惡示人偶然東內回祿之災適在西闕移御之

日天其警動厨人停三日之供時有絀羸內院捐半
歲之用轉災為瑞戒匪忽於淵氷按圖揆工義則重
於堂構于時是月也律中大呂之次其日則朔回庚
子之辰經營指揮若有神助審曲而勢不奪農時霧
檉綺疏翼虹背而鬱鬱雲縈藻藻梳矯龍首而亭亭八
維開張仰氣通蓬萊之路五緯綜錯星文動華蓋之
躔然而寔出於一遵前規乃所以重詒後祿稍庸則
勿煩民力奚但用不過三輪會則毋費大農猶軫止
有此數托基業之鞏固寧忘居室之安念營作之艱
難恒勤遇物之誨遂使黃雲宿戶引慶之灑氣彌融

淳露盈庭春塘之活水添潤載颺善頌庸答呼邪

兜郎偉拋樑東華蕙晴出上林東扶桑瑞旭春長在

協氣歡聲匝海東

兜郎偉拋樑西鳳輦晨回桂掖西種得園瓜綿袂長

二南風化頌岐西

兜郎偉拋樑南簾角微薰知自南散作靈膏均八域

家家高廩似終南

兜郎偉拋樑北一朵紅雲捧斗北沆瀣味醲挹壽杯

岡陵齊獻龍樓北

兜郎偉拋樑上貞明日月赫臨上陰功配極賁昇平

人在淳龐三五上

兜郎偉拋樑下肯構功歸我殿下要見吾心開八門

孰如廣廈庇天下伏願上樑之後華構常完靈籙增

衍詔元武使呵護乾清坤寧繹斯千之咏歌竹苞松

茂丹萸翠茵拱軒楹而效祥金鋪玉題亘宇宙而偕

壽本支百世繼繼承承太平萬年熙熙皞皞

製薰 吏曹判書朴宗

通明殿重建上樑文 純宗甲午

伏以甲夏后之宮昭其儉也考周王之室卜云吉焉

斯誠億萬世無疆之基矧惟五十年未遑之典蓋聞

易闡棟宇之制王者所以定宸居書揭堂構之謨聖
人所以保大業正位凝命初垂雖勤補弊興衰繼述
尤美是以皇朝故事襲駿祥於謹身我家遺文續鴻
基於思政自東闕載營於昌慶而內殿莫尊於通明
坤靈協龜澍氣啓青陽之位乾符著象瑤躔配紫微
之垣碧瓦穹崇統六宮而臨下彤庭軒豁環九閣而
處中粵成廟養千乘之辰圭臬始初逮穆陵旋八鑿
之後輪奐重輝猗列聖之相承遂諸福之畢至百禮
騰岡陵之祝玉牒瓊觴萬靈護雲漢之篇璇筆寶墨
夫何亨嘉之運中經鬱攸之灾先蹟莫寓於羹牆攀

瞻無地遺志未就於塗墜因循有年恭惟淵德顯道
景仁純禧主上殿下春臺調元明堂布令烈承謨顯
每軫漢宮之奉先制定治成克憇魯府之仍舊第當
百堵皆興之際合有一體并建之方皇天之警告孔
昭庶或為扶持全安之道祖宗之畀付甚重豈可無
儀刑憲章之規曩也歲儉而暫停雖不容已今焉時
紕而更舉實非樂為肆以苟完之圖先施若保之政
正供至減內院十行謙挹之恩綸經用不煩外庭一
念節省之睿度遊手應募稍弛庚呼之憂衆力趨功
競效子來之悃仍範圍於在昔倏經營於維新雕玉

裁璫陋西京之靡麗園規方矩像北宸之尊嚴噴魚尾而壓朱明百祥回湊疏龍首而抗碧落五彩上蟠其制則叶右通左達之宜其義則包高明廣大之美自此磐泰之彌鞏備三闕之規撫居然鞏華之增隆聳八域之瞻仰載颺如月之頌庸答不日之勞

兜郎偉拋樑東駱峯佳色碧蕊籠年年迓得春先到解贊烟花育物功

兜郎偉拋樑西碧沼涵空駕彩霓定有瑤桃來獻祝五雲多處萬年躋

兜郎偉拋樑南庭榴初結苑桃含薰颺正屬宮人綵

合把彤毫頌葛覃

兜郎偉拋樑北黃裳吉協坤之德已從端本發為仁

登彼朔南歸化域

兜郎偉拋樑上仰視瑞雲華蓋狀去作油然雨我田

太和元氣濃如醲

兜郎偉拋樑下地效奇祥天賜嘏至化渾如草偃風

二南餘韻登宵雅伏願上樑之後日月麗薨山河扶

戶軒閣徠九苞之瑞舜殿調五絃之和厥庶民錫敷

寔推正家之盛我後人啓佑咸仰作室之休

製 大護軍 趙寅永

景春殿重建上櫺文

純宗甲午

伏以肯堂圖功誕膺無疆之景福隆棟叶吉永迓不老之春光宗栴維新制度仍舊顧茲東閣之景春殿即是列朝之內正堂西瞻壽康粵昔仁元后所御南對嘉孝亦我惠慶宮攸居傳睿畫於夢龍啓寧考彌月之慶祝慈齡於稱兗伸孝子愛日之誠揭兩朝紀實之文天章並耀延百世綿袂之錄虹彩長流肆於京室嗣徽之初遂為嬪宮正位之所動喜色於龍樓鶴禁續女維行襲餘慶於麟趾螽斯祚胤永錫蘭殿毓祉皇祖垂篤棊之休甲觀呈祥文孫挺岐嶷之質

中堂開設孤之宴昌期再回於河清有司舉端冕之儀歌曲重演於海潤於乎攝提之歲事豈忍言偶然回祿之災慮所不及花礎紋砌迭見基址之斯存婁繩般斤未違匠功之爰始雖值慶熙之移御久擬重營及當昌德之繕修并舉斯役大農紆責應之費量減二路之貢麥疫氓免轉輸之勞近取三江之峙木蓋取上損而下益莫曰時絀而舉羸聖訓昭垂固仰必敬桑梓宸慕架篤克軫既勤墜茨營室方中考其時則可矣雲構載屹若造物者相之復道迴廊夾丹霞而增彩繡拱藻井凌紫烟而騰輝儉不至陋華不

至奢克遵先王之盛德夏而宜涼冬而宜燠無改昔
年之遺模寸線新添時當宮梅之放蕊尺衣漸長慶
滋仙李之盤根曉凝祥暉萬象昭方并之日春隨喜
氣一理徵來復之陽長駐八千歲韶光金漿玉醴永
奠萬億載洪業磐石泰山謹述阿郎之詞庸效張老
之頌

兜郎偉拋樑東出震休期往昔同聖祖神孫光啓地
萬年春色一堂中

兜郎偉拋樑西碧桃高榦與天齊璇宮擊進千年寶
王母來庭舞袖低

兜郎偉拋樑南集瑞門深瑞霽含事重宮機玄統織
椒闈日永助親蚕

兜郎偉拋樑北一心洞屬拱宸極曙開輕輦隨風移
兩殿朝回愉婉色

兜郎偉拋樑上澍德幽閒天所相一有元良邦以貞
慶雲甘露承嘉貺

兜郎偉拋樑下經始土功是月也松茂竹苞安且寧
斯干不獨編周雅伏願上樑之後風雨攸除烏鼠攸
去萃堂有莞簞之安天日之表龍鳳之姿儲宮供菜
服之戲止於慈止於孝我朝之家法則然于時處于

時言率土之輿情胥悅花籌海屋詎頤期之足論玉
燭春臺喜升平之長享其寧惟永何福不宜知中樞
朴綺壽

會祥殿重建上樑文 純宗辛卯

伏以斯干詩作綿周錄於恒升長樂宮成鞏漢業於
磐泰矧今日重新之構迺百祥交湊之基蓋間聖人
繼天設棟宇以待風雨王者建國為宮室以經陰陽
斷雕去華固儉約之是尚正位居體亦崇高之攸宜
是以重軒三階班賦述宮寢之制復檐四柱載禮表
殿屋之規猗我大東肇茲雙闕右平左城隆上郝而

并觀後寢前朝洞重門而齋闢太微紫微之俱有帝
座上稽象緯之文明堂玄堂之迭為王居遠取龜書
之典載瞻御殿之輪奐實在西內之邃嚴華構芻羅
森列宿之環極脩檟高聳儼八柱之承天珎館用房
穆中處而高拱彤庭繡闥敞四達而弘敷清燕蠶護
之所遊神闢雖麟趾之所基化恭已端本彤管紀壺
內之治修德布和朱紘奏房中之樂叅二儀而配德
乾清坤寧迓諸福之如期雲滄川涌聿嘉名之肇錫
表宸居之允宜鴻運方亨誕撫衆美之會厯休滿至
彌衍長發之祥肆于是處處言言式至今承承繼繼

恭惟淵德顯道景仁純禧主上殿下丹宸凝命玉燭
調元履羶從容契萬理之淵奧庭衢軒豁納八荒於
雍熙法夏后之卑菲聲色玩好之無累講周誥之塗
墜祖述憲章之不忘何意鬱攸之灾乃屬休明之運
盡恐懼修省之實豈或忽於淵氷念經營締構之勤
不可廢於繩墨謹身率蓋式遵皇朝之徽規思政康
寧亦有我家之故事於是司廷案考工之記太史占
營室之星荆梓豫楠各效宗楠之用青銅赤仄不煩
庸調之輸洛邑之圭景不移無盈無縮岐陽之鑿鼓
弗勝匪亟匪徐月斧風斤競奏群巧天規地矩悉合

前模其制則雖舊而維新于時也轉灾而為瑞疏龍
首而抗棟上薄重霄翹鳳翼而連薨旁臨九域竹苞
松茂增福履於寧芋霞舉虹垂聳氣像於顛仰於焉
規制之大備可匹於靈臺辟雍衢室合宮從此吉祥
之並臻奚止於景星甘露醴泉芝草載颺六偉之頌
恭獻九如之祈

兜郎偉拋樑東青繩路直應門通天衢日出開群動
郝在吾王化育中

兜郎偉拋樑南老人星見瑞光含朝元蒂佩開崇政
吉語齊騰千歲三

兜郎偉拋樑西飛閣迴廊翼瓦齊恭識宸心燦俊乂
延英扁字記曾題

兜郎偉拋樑北蕊籠不改華山色千秋萬禩奉君王
更與蒼生開壽域

兜郎偉拋樑上蓬雲五色移仙仗堯天舜日廓澄明
一氣無私春盎盎

兜郎偉拋樑下大庇群生須廣廈懸識千村鼓腹歌
黃琮黜幣祈方社伏願上樑之後百神護持八極趨
嚮卿雲承宇騰作太平之休徵化日留檐薰為闔境
之和氣堯簞既設動息順四序之宜堂構不隳本支

綿百世之慶西崑崙而東渤海範圍增恢下博厚而

上高明曆服偕久

藝文提學
洪爽周製

熙政堂重建上樑文

純宗甲午

伏以星陳極拱上垣表明堂之壘松茂竹苞下管颺
新宮之頌百堵復作庶政咸熙洪惟我朝稽古作程
憲天敷化八荒歸庭衢之內廓瑤圖而啓基群生就
繩墨之中穆玉衡而正宇神承聖繼垣墉櫟斲之克
勤義浹仁覃厦屋帡幪之大庇龜筮既協於相宅輦
車載新於營堂羅八柱而上承天宇昭朗度九筵以
中處寶座深嚴嚮明責治義卦尊王居之位體元履

正周官重路寢之儀况復一日萬機於是而裁斷百
揆四岳於是而延登履適資淵蛭之工詩書禮樂之
進講珩芾慶雲龍之會明良喜起之賡歌謨猷日襄
誕發踊而施政區寓風動聿累洽而重熙恭惟淵德
顯道景仁純禧主上殿下祥膺泰增化暢此屋金科
玉律監前憲而恪遵青陽朱明順時序而端拱漢帝
之露臺不起惜民力於百金宋祖之重門洞開契心
法於千聖方撫昌熾之運遽警鬱攸之灾扶持全安
恭識天心之仁愛經營締造敢忘先業之艱難底成
法於周家亶宜述事而繼志仍舊貫於魯府寧或傷

財而害民十行之綸既宣百工之事競勸朱綬赤箭
先蠲內藏之常供荆梓豫楠不煩疲氓之遠輓規天
矩地安用玉帶之遺圖揆日考星無改華蓋之舊址
引慶之佳氣長護連薨遐翹通明之傑構並新層櫟
對起于時也一陽來復之後二儀將泰之期瑞雨祥
風蕩掃灾沴髣童鷺叟齊騰頌聲五寢三朝大備聽
治之所八憲九閩重徵考工之文簷阿四周象德隅
之方正莞簟中設協仁宅之孔安書所稱肯構肯堂
詩則曰攸寧攸芋遂申贊偉庸助抗櫟

兜郎偉拋櫟東春塘路與望春通君王不折欄前柳

和氣長留上苑中

兜郎偉拋樑南夾堦仙仗待常棂千門萬戶通賢路
巖藪皆知聖化覃

兜郎偉拋樑西雙闕飛甍鳳翼齊十二天街清蹕路
條風融雪欲成泥

兜郎偉拋樑北雲出三峯常五色膚寸仍成霖雨功
家家有廩盈千億

兜郎偉拋樑上日月光華萬目仰帝座常臨太紫宮
玉繩瑤斗森相嚮

兜郎偉拋樑下堦前萬里箕封野須着靈沼子來民

摠是康衢擊壤者伏願上樑之後諸福如期四表歸
極仁聲捷置郵之命被西漸東皇風穆垂裳之治登
三成五泰山磐石鞏億載不接之基壽域春臺溥萬

姓同樂之化

上護軍洪
與周製

興政堂重建上樑文

純宗辛卯

伏以東井鎮朱明之位辟災延祥北宸憲紫微之居
舊制新構上天申命庶民子來惟西闕興政之堂即
列祖視事之所規撫則有正殿更殿之別寔為燕涓
之深嚴基址則處內庭外庭之交蓋取晉接之密通
雖土階三等惟儉是昭抑明堂一筵以高為貴一日

萬機之所自出八域群生之所共瞻當仁祖光啓之
初永鞏堂構之業逮元陵常御于此采勤塗墜之功
夫何漢未央之采愚莫賴周司烜之木鐸敬天威而
重民力固宜有恐懼省約之方監先王而啓後人不
可無修舉廢墜之典恭惟淵德顯道景仁純禧主上
殿下化闡封屋德懋卑宮凡政刑典禮傳家之規遵
而勿失至苑囿臺榭奉身之物泊然無為然而詩之
於斯干君子膺莞篲之頌易之於大壯聖人現棟宇
之占矧規燧之所同可謂事半功倍伊經始之勿
亟詎云時絀而舉羸爾乃營室則載屆中星匠師則

爰求大木海上撤泛材之役許邪息肩都下募遊食
之徒工稍稱事地不改矣楚臬可尋民曰樂哉岐馨
相勸所以天地乎體象陰陽乎經緯居然闕庭之神
麗宮室之光明重楹復檐之橫縱虬尾旖旎九閭八
牖之開闔芝房曾吹翬制鼎新與仁政而前後同揆
鳩工漸訖並會祥而次第告成華構既瞻寶額仍揭
都俞吁咈之自今伊始起元首而協寅祖述憲章之
于古有光正南面而恭已肆獻隆棟之吉庸贊修楹
之勞

兜郎偉拋樑東曙色先添寶宸紅報道青陽開左介

文苑薈華 卷五 三十一
絲綸歲歲夙祈豐

兜郎偉拋標西白門佳氣四時齊今天正屬休明運

五夜星文共聚奎

兜郎偉拋標南殿角微涼苑樹含遙指老人星作頌

岡陵不獨等為三

兜郎偉拋標北太華凝碧叅宸極興雲降雨竟誰功

知有名山長鎮國

兜郎偉拋標上一心對越承嘉貺堯天舜日爛輝光

民不能名巍與蕩

兜郎偉拋標下王曰問朝兼問野俯視蒼蒼薄海隅

帡幪盡入千門厦伏願上標之後輪奐長輝苞茂增

美有方興未艾之象庭衢八荒啓為政以德之基本

支百世

弘文提學
趙寅永製

澄光樓重建上標文

純宗甲午

伏以金殿重開控河山之澍氣丹樓竦峙挹霄漢之
晶光詔繩尺而圖新揭扁楹而仍舊蓋聞道心之澄
萬化薰殿衣裳文德之光四方靈臺鐘鼓罩飛鳥革
奚所侈於觀遊蠖濩燕洎亦云資於節佚洪惟我聖
朝撫靈長而肯構築仁厚而為基瑞日祥雲開九天
之闔闔泰山磐石湊萬歲之鬱慈猗茲昌德法宮殿

有澄光高閣絕埃風而特出綺軒接大造之西象天
極而橫馳碧瓦聳景薰之上澄若一元之挹注平臨
承露之盤燦然五綵之森羅上應聚星之府照簾紋
於丹井雲影徘徊遷閣道於玉華虹梁迢遞賜瓊章
而賡載追惟暑月之納涼揭玉筋而留傳景仰風泉
之興感蓋自列朝相繼儘為君子攸躋倘修舉之有
期遽鬱攸之告警仰玄穹之嘿佑政當轉沴而為祥
係丹雘之重塗詎緩興衰而補弊肆玄枵之叶吉暨
熙政而并營工役丕興軫聖心於毋侈帑儲量劃節
民力於子來文礎宛尋克遵十六楹遺制薨標高翥

重拓兩層閣美規藻并騰空駕六龍而捧日綺疏控
遠軒雙鳳而入雲澄思息機宛占高明之域光風霽
月獨超冲漠之庭倣至象於重乾備宸遊於一豫登
斯樓也欣瞻雖舊而惟新若作室然庸寓光前而垂
後茲效九如之撰助成六偉之呼

兜郎偉拋樑東寶蓋龍含瑞日紅催進詞臣春帖子
年年善頌願周豐

兜郎偉拋樑南永晝從容晉接三要得清陰分四域
薰風一曲聖恩覃

兜郎偉拋樑西新秋明月豁端倪由來大德無私照

造化恩光物物齊

兜郎偉拋樑北宮樹峯差凝雪色俯着民生白屋貧
若為錫福歸皇極

兜郎偉拋樑上一理昭昭潛景貺對越宸誠儼玉旒
庶僚精白天工亮

兜郎偉拋樑下庭衢洞闢無朝野衆生皆入一幃幪
大庇何須千萬厦伏願上樑之後輪奐常新堂軒永

鞏珠闌華構暨法殿而齊年瑞彩祥輝與神京而匹
美判府事李

涵仁亭重建上樑文

純宗甲子

伏以同春布化居安宅而不基不日竣工築華構而
前揆地近大內星見方中恭惟宸心澤物之功克著
亭額涵仁之義初自舊堂之移建得其名於肇初逮
夫夾室之增修貽厥謨於垂後恢庭衢而化圃本乎
一心包寰宇而廣居元於四德祥雲繞辟開畫屏之
五峯彩墨題楣揭珠聯之四序頌緣鬱攸之警迺撤
翼然其高曾與集瑞門相隣尚有圭臬之跡况是仁
陽殿舊址寧緩堂構之圖命有司爰契我龜依昔日
斯草如鳥曰庶民之勿亟鑿不勝而築登登寔君子
之攸芋楹有覺而庭殖殖稷臬店楔之各適飭周工

之美材規矩準繩之不差仍魯府之舊貫奚但爰居
爰處之允吉可驗仁心仁聞之益彰功告亭成頌騰
標舉

兜郎偉拋樑東雞人報曉五雲紅朝朝化國舒長日
遍照蒼生八域中

兜郎偉拋樑西蓬萊宮闕與天齊起着瑞靄蕊龍處
苑有麟遊閣鳳棲

兜郎偉拋樑南家家絲穀聖恩含有琴一曲知風自
解愠神功造化叅

兜郎偉拋樑北龍蟠嶽勢開宸極下臨區域列民星

不識不知歌順則

兜郎偉拋樑上赫赫照臨天宇曠日夕吾王對越工
履繩三接勤咨訪

兜郎偉拋樑下我欲問朝而問野歌以勅天曆授時
君恩漸被誰多寡伏願上樑之後天降川祿民有阜
財躋壽域之熙熙詞臣撰千一之頌樂康年之穰穰
農夫取三百之廩實由扁額二字之符應叶輿情九
如之祝

工曹判書
申在植製

藝文館重建上樑文

純宗庚辰

伏以藝教興而混元闡明王宣禮樂之司文冊重而

秘府尊熙朝貯清簡之士左動右言之溢於典記上棟下宇之煊然改觀蓋聞史官主起居內翰掌辭命記注之職隸門下宋躡小兩省官供奉之班移殿前唐稱第一流選或置院於宣徽之北各有所司或設館於思政之西未嘗兼管洪惟我朝渾渾虞夏之史郁郁宗周之文太祖元年置直館而肇躡世廟嗣服廣記事而兼知撰秋藻而摘春華贊王誥之宥密超帝墳而襲皇典捧國史之崇嚴於是總青簡之清曹并紅綃之華省豹掖分直濟濟三長之偉才鴻筆秉公煌煌四字之聖訓時政日曆之摠典紀載則如中

書舍人晝接夜對之密邇耿光則如集賢學士鈔金匱而繙石室躡稱翰林凌玉清而騰紫霄職則內史今夫二司之重合而一之古有三館以來罕與儔者那意鬱攸之干正遽見館字之延燹從此文獻之無微地不秘矣抑亦史臣之失職天示警歟借直廬於尚書後堂儀容不備奉餘函於弘文前閣體貌靡安迺聖念軫賁飾之方而新春降復建之命太史諏吉爰拓舊基將作董工載營華構綉闥長廊之上下繚繞雕甍畫欄之前後峇嶢紫微東垣重耀一星之主記青綺西掖近接五雲之呈祥於焉攸芋而攸躡允

矣苟完而苟美朱鸞皓鶴群翔玄圃之庭東馬南孤
各奮彤坳之筆居是官而先我司典入此室而崇其
立言肆贊奚斯之告功敢效張老之善頌

兜郎偉拋樑東咫尺觚稜御氣通仙鶴脩篁圖畫裏
華簷高捧霽雲紅

兜郎偉拋樑西黼座香浮雉尾齊載筆詞臣仙仗下
一行簪笏兩邊携

兜郎偉拋樑南南山當戶送晴嵐王家紀瑞豐為上
時雨濛濛稼穡甘

兜郎偉拋樑北左右連廊似鳥翼喜着羽林增彩新

春風楊柳共旗色

兜郎偉拋樑上瑤躔錯落入遙望雲臺報牒不勝書
昨夜祥星瓜子樣

兜郎偉拋樑下誰把聲明贊賊化謾說前宵蓮燭歸
內家黃帕又金竿伏頭上樑之後翰觚增重塗獲彌
光七寶床中才多五鳳之入苑三島路上喜占雙鵲
之棲棠咸游六藝之場蜚英聲於詞翰偕我同文之
士贊洪熙於典謨

內閣知製教
鄭基善製

文苑補遺續編卷之五

文苑補遺續編卷之五

文苑補遺續編卷之六目錄

上樑文二

子規樓重建上樑文

長樂堂上樑文

奉壽堂上樑文

老來堂上樑文

福內堂上樑文

洛南軒上樑文

景龍館上樑文

講武堂上樑文

文苑補遺續編卷之六目錄

訪花隨柳亭上櫟文

得中亭上櫟文

西將臺上櫟文

東將臺上櫟文

角巾臺上櫟文

新豐樓上櫟文

華陽樓上櫟文

長安門上櫟文

八達門上櫟文

蒼龍門上櫟文

華西門上櫟文

華虹門上櫟文

迎華館上櫟文

迎華亭上櫟文

文苑黼黻續編卷之六

文苑黼黻續編卷之六

上樑文二

于規樓重建上樑文

正宗辛亥

伏以仙輶已邈嗟盛德之難護華構重修愴遺躅之
始顯梅樓舊址杜宇新名追昔日托物之辭寓邦人
興哀之所惟此越州觀風之閣即是聖人陟方之墟
始也居南面之尊巍然恭已而不與終焉慕東向之
讓於乎至德之難稱續服三年殆同江湖落月之讖
旣履千乘遂作荆蠻採藥之行霓旌上昇何山尋白
馬之影龍驤下墮遺民哭蒼梧之雲曾於別榭臨御

文苑黼黻續編卷之六 上樑文



文苑補遺 卷六
之辰乃有寃禽此興之什曉岑殘月聲斷蜀帝之魂
玉笛危樓吹裂湘妃之竹天上之花欄迢遞萬事雲
空人間之珠唾流傳百年電逝顛天有往必復仰寶
康之重光遺澤至今不忘想玉音之如在第舊基已
沒於荒翳而後人靡所於瞻依峯連九疑徒傳南樓
之遙拜淚下三闕空聞中夜之悲歌山哀浦思惟微
魯陵之遺誌烏啼花落未見靈光之獨存久致行路
之嗟傷曷為古蹟之闡發父老指點共說只在此中
年代蒼茫莫能明言其處乃按圖於州府之側遂尋
基於閭井之間作尋常百姓之家何處駐蹕餘蕭條

數間之屋無地起樓行或尼之起白日之雷雨傳者
誤耳迷太守之旌麾何來一朝回祿之風露出數顆
紋礎之石籬落悉燬於半晌倏似一炬之延燒灰礫
盡蕩於烈飈始見百堵之遺址地形宛如天作是以
有衮衣兮人謀暗與鬼諏殆若寓造物者於是伐木
而錦水流下測圭而營室方中盈尺之積雪忽消斧
斤乃入連抱之喬松自拔棟樑可材若靈臺之是經
成之不日見斯干之既落翼然如翬于斯時也乘輿
過露梁之祠宸感及蒞陵之世懷忠臣之壯節特垂
六十句奎章抽名山之秘藏溯考三百年遺蹟賜謚

錄後永樹百年之風聲設壇降香俾同一體之祭祀
方當史官復命之日適會守臣馳奏之時不約而同
夫豈偶爾於今有待若相感焉遣宗伯而陳辭愀焉
聖心之興愴赴寒食而虔享儼然真遊之如臨肇錫
托春心之嘉名蓋追愁夜月之遺句民情大可見也
咸起顧名之思聖德吾無間焉倍切沒世之慕飛欄
畫棟儼若玉几之重憑孤鶯落霞肅然羽蓋之遙降
幾年荒田之埋沒久矣神慳今日方伯之表章若有
天誘茲綴兜郎之短曲聊和子規之哀音
兜郎偉拋標東翠華孤寄萬山中如何恠鳥來相伴

夜夜悲彌血吻紅

兜郎偉拋標西樓上于飛枝上棲越絕江山無限好
胡為長向枕邊啼

兜郎偉拋標南鶯語嚶嚶燕語喃底事爾啼聲獨苦
不如歸些每成三

兜郎偉拋標北憔悴衣裳猶絳色劍外間關萬里來
群童挾矢莫相弋

兜郎偉拋標上昔日金牀與寶帳羽化幾年懷故都
遺民翹首空相望

兜郎偉拋標下翩翩錦翼隨風馬清泠浦外草如烟

月出遊時靈雨灑伏願上樑之後綺樓與華殿高懸
奎藻並瑞日爭耀喬陵之松栢掩映恍若六臣之前
趨王孫之春草芊綿依然百鳥之羅拜尚推當日興
雨之澤永慰此邦望雲之誠使曹判書
洪良浩製
長樂堂上樑文 正宗丙辰
伏以閣道六星是別宮之象真皇居於苞竹茂松天
保九如為善禱之辭永邦錄於并日恒月熙然與百
姓樂展也基萬年長恭惟主上殿下以終身孺慕之
誠有卑宮菲服之德深究六經四書之旨曠百載而
傳堯舜心仰觀日瞻月覲之門以千乘而躬曾閔行

會極而平平蕩蕩庭衢八荒臨下而赫赫明明日月
四表二十載深仁厚澤囿民生於化域春臺萬億年
無疆惟休鞏邦基於泰山磐石猗歟孝思不匱巍乎
大德難名固知以安樂而祚延咸期享休寧而世永
迺者移珠丘而卜青烏之兆踐華城而叶墨龜之祥
孝悌感神明天與千載一遇之宅風雲護儲胥地占
五達四通之墟五陵之佳氣葱葱爰倣置邑之舉萬
堞之高墉屹屹遂成配京之規肆於漢帝之移豐乃
有周王之圖洛遲遲曰吾行也奈山川之難忘僂僂
如有見焉惟桑梓之亦敬衣冠月遊之地豈跬步之

欲離羽旄歲省之儀每聖心之不忤城邑設置蓋為
仙寢衛護之圖官府初修亦寓重宸瞻依之思永作
湯沐之邑大慰神人之心於是相宅於光教山南興
功於奉壽堂後天慳地秘久待孝義之治日吉辰良
始開仁壽之域月斧奏技斷海東瑤華之枝虹樑聳
空架楚南冥靈之樹於焉見輪奐突兀之美可以占
繇遠久長之休洛南之軒相連閭闔開九天之象老
來之堂苟達簾櫳含五星之光工費悉出帑金民自
樂赴調度無煩經用役不時踰時當華棟之初成幸
見慈宮之先御地不偶爾情固宜然值乙年花甲之

重回慶古今而罕有想庚歲翠華之曾過事前後而
若符需雲騰月殿之中盤薦三千年結子之實春暉
駐星軒之上樂侑九五福曰壽之觴考卜維王方成
豐垣之翰燕喜壽母先膺魯宮之祥惟此祈永命之
新宮並舉曠一有之緝禮朱紘五路濯清漢而揚靈
黃龍大星連寶婺而增曜龍舞鳳翥對花山而東迷
鳥革翬飛近華岳而北拱信宿輦過之日豈宜為於
每年一遊密通象設之岡將永休於千秋萬歲從茲
添靈長之運庶幾盡愉樂之方不日成經營西南其
戶自天祐吉利君子攸芋沛里杓榆長見父老之欣

迂洛陽花木樂有公卿之列居分司典守之官有整
理行宮之使白陳擁衛之列編壯勇外營之兵遂揭
長樂華扁是庸迂續景命隆上都而拱園寢克真不
拔之基介景福而如岡陵永錫難老之頌樂府傳業
衣之曲留後期於十春宮楮帖華祝之詞迂純嘏於
萬壽配天地悠久之德頌莞簟上下之安黃髮台背
之維祺長有其樂金膏玉燭之至治誕膺天休八達
之山氣英英繞棟宇而永鞏萬石之渠流浩浩影觚
稜而長留敢效斯干之章用替兜郎之唱
兜郎偉拋樑東瑞靄扶桑出日紅鷓鷯聯班趨朝漏

晴薰赤羽帶條風

兜郎偉拋樑西仙陵咫尺霽雲低明裡歲歲來清蹕
春晝行宮綵仗齊

兜郎偉拋樑南移豐新化與天叅景龍館闢通和氣
遙拱壽星瑞色舍

兜郎偉拋樑北終南白岳雲間矗長安門外遲遲臺
群老扶筇各獻祝

兜郎偉拋樑上穆穆高穹垂景貺紫極星文歸旺躔
天垣地理皆昭曠

兜郎偉拋樑下瓊筵歌曲風薰雅後天不老凋三光

仙露金莖薦玉笋伏願上樑之後聖壽天齊新福川
至山河扶繡戶都是春於三十六宮乾坤繞漢宮次
第開於千門萬戶常逢千清河之會共獻三呼嵩之

誠內閣提學
鄭民始製

奉壽堂上樑文

正宗丙辰

伏以華之為治象龍蟠鳳翥天與帝王之州堂所以
成應鶴瑞龜徵地叶聖人之祝徠汝耆舊偕我樂康
恭惟主上殿下鞏磐遠猷錫類隆養以精一傳撫重
熙運上下神人之所共依歸開千五門駐萬八春寢
膳起居之靡不順適倚慈齡方躋於寶甲而聖念益

切於介眉週六旬而添海屋之籌理可徵於必得稽
九疇而推大衍之策願更摯於無疆睠茲八達凝鑾
之鄉羨哉萬年稱咒之所瑞霽繞新豐之樹幸慈駕
之陪過仙仗擁長樂之花倍宸情之欣忭桑梓之父
老爭集此日瞻寶婺之光柝械之氣像方興是地宜
天保之頌控湖服而壯畿輔依然禁城之繁華錯山
膚而登海珍煨乎法筵之物采遂因壯南軒之制爰
拓親上壽之堂接北杓而拖楣雲日增彩採南山而
作棟池臺改觀莖露仙漿淋漓霄漢翠萱丹莢藻繪
軒墀絲管被萊衣之新翻邑里傳華封之舊號保佑

命又申命肆皇天降祥自今年長此年萬子孫無數
奉東朝而歌星海何處非其承歡奏南陵而讌於榆
尤有光於飾慶杯心映醉桃之色飲來可以傾真滂
額射扶桑之暉觀者為之興孝恭陳嘉頌助舉脩標
兜郎偉拋標東文星一帶繞如虹天香散作花千樹
長照蓬萊壽酒紅
兜郎偉拋標西帥旗高與白雲齊壯士春寒皆挾纊
中陽門外賜宮綵
兜郎偉拋標南寢園杉檜鬱鬱孫枝子葉交相蔭
培本神功造化叅

兜郎偉拋標北青繩御路通京國封人後乙重瞻旄
知爾幸生仁壽域

兜郎偉拋標上太和元氣如醇釀收入宮盤再拜擎
含飴聖母康而旺

兜郎偉拋標下黃雲一色漫漫野整理穀嘉惟和秬
八方率育播之雅伏願上標之後譬日月之并恒法
乾坤之悠久重蕙復榭可但松則茂竹則苞九爵三
萬永俾熾而昌耆而艾第祿與景命而滋至如式如
期寶籌登聖壽而采尊時萬時億

直提學李秉模製

老來堂上標文

正宗丙辰

伏以佳氣護象設而慈鬱儼月遊衣冠之儀華構抗
翬飛而峇嶢寓歲時霜露之感惟楚宮測景營之制
即虞帝終身慕之誠恭惟我聖上治法三王孝源百
行精裡穆穆闕宮之制度增新聖懷憧憧寶冊之掄
揚盡美宮門寓見牆之慕非無月朔之覲瞻仙寢隔
宿春之程若為松栢之密通睠茲八達新府實近萬
年幽宮周遭設百雉千甍之基宏規倣漢陵邑鋪置
形勝據飛龍舞鳳之勢秘訣發麗道釋精神繕戎備
而峙軍儲矣但國南畿保障之寄奉寢薦而凝鑿鐸
蓋為歲一遊臨御之鄉迺相行宮後一區特起宴居

時別榭鑿開天慳地秘之境陰陽方位之森羅輸來
鬼設神施之功棟宇丹雘之巍煇政化已臻熙皞蒞
萬機而澹泊棲心制作不取高明壯九重而易安容
膝奉壽之彩服供戲春光常溢於金壘長樂之璇楣
交輝福宿永繞於黼座矧茲弓劍之瞻望匪遠儼然
笙鶴之縹緲如聆并翰之輦路分明悅趨問寢之曉
洞門之梓樹隱約庶替居廬之誠乘輿為之依遲宸
旒於焉凝佇紅亭柳碧沼荷之左右暎帶物華匪心
龍珠巒玉女峯之高下環圍天意有待澍氣鍾扶輿
而霞蔚堂基占億萬載鞏安翠華隨歲籥而天回玉

不勞蕃蕃
候享八千春康吉繫聖念每軫於悠久而華扁特揭
以老來當寶齡富有之辰尚欲常常而至逮大耋倦
勤之際尤切惓惓於斯黃道垂斗極之輝聳觀瞻之
處處白叟騰華封之祝望行幸於年年停雲蹕而百
神助懽御月檻而八彩動色嶽色川容之流峙與第
祿而無疆林花野鳥之笑歌迓和氣而相悅地勢得
原廟之重寓聖慕於晚暮之齡樓額侈新豐之名藹
宸眷於湯沐之邑敢頌千乘君至行庸葵六偉詞新
聲

兜郎偉拋標東龍旌旖旎曙光紅太陽元在宸襟內

流照金輪八域同

兜郎偉拋標南一練明川萬柳毵捲箔遙瞻花岳色
珠丘深處霽雲含

兜郎偉拋標西元戎臺迥白雲齊袞區摠囿懷綏化
波伏重溟不起鯢

兜郎偉拋標北群流會處匯為澤深知聖學資編簡
探索功參疏導力

兜郎偉拋標上雲鄉邈矣玄霄曠心齋自與神明會
不待祠官薦鬱鬯

兜郎偉拋標下莽蒼滿塍是大野竟日遲遲臺上望

宸情不與清川瀉伏願上樑之後元氣承禳祥光繞
棟虹橋亘漢魚龍護鹵簿而駿奔鳳輦乘春雲日媚
羽旄而駘蕩聖德與春秋俱邵宸遊閱天地無窮大

軍丁範
祖製

福內堂上樑文

正宗丙辰

伏以迺左右築室有儼斯都辨內外為宮聿受多福
捷若桴應視此楣扁睠茲華城一區即我畿甸重地
金湯控天作之勢久矣鬼秘而神慳珠丘瞻月遊之
鄉羨我龍飛而鳳翥三輔之制置是倣矣但增重於
關防貳京之體勢自尊蓋為拱護於園寢斯軫九重

之營度爰有每歲之臨巡物色殆同於漢豐爭仰清
蹕之戾止地名允符於堯華幾勤民俗之觀于居然
成聚而成都非無城池之克壯於焉信處而信宿宜
有宮室之是營逮夫行殿之漸修爰謀內堂之並構
取上棟下宇之義安用壯麗之規適冬溫夏清之宜
別是深嚴之所軒連奉壽之顯敞寓萬年稱觴之誠
門近長樂之宏華備三朝承歡之地規度則畧倣乎
燕寢經始則驟因乎府衙曙色初啓於緇簾政屬萱
春之輝映清香長凝於文几佇見萊衣之周旋仰惟
經營之聖心靡極不用庸備輪奐之美制所處而安

文苑補遺

賣扁卷六

上樑文

猗歟誠意之所孚展也舉措之咸得懷永圖於萬世
之久夫豈觀瞻為哉作大邑於數年之間殆若造物
相也役不煩於民力說而爭趨舉無違於天時淵乎
獨運方華構之肇勅遂第祿之來同得於外而生於
中可見感名之理敷乎彼而歛乎此益驗嚮用之宜
同羲易之考祥其旋元吉若周雅之干祿自求不回
是知福履之綏將宜由表裏之昭合迓新休而綺構
增鬱葱之色揭華額而寶墨動璀璨之光乃敷營平
之躋言庸替張老之善頌

兜郎偉拋樑東簾鈎初旭正騰紅紫差樓閣如圖畫

平眺烟花一色同

兜郎偉拋樑西八達山高黛色齊要識岐周繇寶曆
即着民庶共扶携

兜郎偉拋樑南花岳峯境聳翠嵐雨露年年宸駕戒
松杉無數與雲叅

兜郎偉拋樑北清漢終南一路直御氣遙通慈慶堂
至尊晨夕怡愉色

兜郎偉拋樑上輝輝壽曜天中朗雲韶送奏侑瓊觴
會待青春移彩仗

兜郎偉拋樑下千家共井復聯尾新承惠澤遷如歸

摠是安生樂業者伏願上樑之後神明斯扶吉祥攸
萃既富既庶叶地利人和之休曰壽曰康符月恒日
升之祝匪直一時之臨御自此諸福之畢臻

弘文提
學閔鍾

顯製

洛南軒上樑文

正宗丙辰

伏以幹地軸於沛中爰移舊府撫天緯於洛上特開
新軒周邑錫名漢宮取義竊以華城經始之地實為
仙寢拱衛之鄉廓襟帶於山高水清世稱黃圖之三
輔壯體勢於龍盤鳳舞天作蒼梧之珠丘綠樹挾沛
衢之樓臺宛然舟車之大都會白雲護喬岫之劍鳥

若為羹牆之所寓懷肆拓行宮之傍仍創高軒之制
龜食澗甸之墨啓休運於午坐子向之基燕賀郢匠
之斤按宏規於七櫺三階之厦諸峯之挿天蒼翠環
以畫圖大野之劃地田疇平若几案涵碧玉於鈞魚
之沼半庭荷香堆黃金於射鵠之臺百步柳色倚聖
圖倣漢高故事迺華扁揭洛南嘉名翠甍接奉壽之
堂騰頌什於日月綺筵開養老之宴踏歌曲於風雲
諸將之劍履徐趨爾簾陞九級之古禮新豐之里閭
環拱壯山河萬世之洪基每淹鑿興之宿留蓋緣園
寢之臨邛攀御氣於松栢悅瞻衣冠之月遊緬聖思

文苑補遺

續編卷六

上樑文

十三

於露霜祗薦邊豆之歲事設禮羅於翰墨之會麟鳳
盡入穀中修戎政於金鼓之塲熊虎亦在麾下荆南
宮置酒之席恒推鐵券紀黃河之恩若東都頌瑞之
庭益恢石鼓鐫車攻之烈殆若造物者有相矣但經
費之不煩大厦養不日之功嘉乃子來之民庶雄都
真永年之業咨爾寅協之臣工勝地廓寥久矣神慳
而鬼秘華簷突兀忽焉鳥革而翬飛萬堦之粉堞排
雲繞階庭而逶迤三字之金牓迥日護棟宇而崢嶸
聊將華封之詞敢獻張老之頌

兜郎偉拋樑東春樹華陽似舊豐百里麗譙仍地勢

萬家雞犬運神功

兜郎偉拋樑西奉壽堂高翠瓦齊金母送栽池上樹
露紅千顆壓枝低

兜郎偉拋樑南近瞻丁閣繞松杉萬年佳氣紅雲盪
列岫仍環碧玉簪

兜郎偉拋樑北八域笙歌昭代飾匝地烟花接禁扃
滿天星斗歸宸極

兜郎偉拋樑上瑞日方昇滄海盪九宇雲開黃道高
鯨鯢奪魄龍乘浪

兜郎偉拋樑下我稼如雲鋪大野萬廩常盈紫洞中

閭難走馬迎春社伏願上樑之後龜疇出洛鳳曆紀
軒頌南山於周詩殿宮膺長春之慶斟北斗於漢酒
衢市傳大風之休

沈煥之製官
內閣提學

景龍館上樑文

正宗丙辰

伏以名都奠萬世之基平泰有象華構擅一府之勝
紀觀以龍地是西京左馮天開明堂右介顧惟萃城
一域素稱箕封大州邦甸峙都會之鄉雞狗之聲相
聞山川鐘磬礪之氣龍鳳之勢交騰惟巨鎮闕阨之
形美我王公之設險若大地文明之兆久矣造化之
儲祥乃者園寢移奉之初遂為洛郊保釐之重梧雲

闕穆清之像繞瑞彩於崇岡梓鄉推敬恭之規尊大
體於留府遲回蹕路曷慰見堯牆之思密邇珠丘每
軫移漢豐之念荷歟官府之肇初居然城墉之維崇
丹楹儼齋殿之儀列以華省掖署粉堞配神京之盛
屹乎譙樓女牆間并改觀門對鐘鳴鼎食商旅居貨
街分槐市柳坊內帑之贏儲悉捐不煩三日之力外
營之規制始備只在八年之間城池金湯是為保障
山河錦繡遂成大都肆當鑿輿之歲回爰覩朝宮之
時御像紫籙深嚴之地位居中央瞻寶座肅穆之容
扁曰長樂允矣匹美於漢殿繼以四闢於虞門日照

采恩踰鴻臚之齊引天臨闔闔儼雀扇之徐開繡闥
寓闔闔之機乾坤在此金榜思標揭之道此觀伊何
魏象之宏制載揚景龍之嘉號肇錫金扉敞達式倣
貞觀帝美規璇額焜煌蓋取太皞氏休瑞玄文列布
於驪背象聖人受命之符異彩環擁於翬飛溯上世
紀官之制仙寢護月遊之禮仰孝思於瞻依詞臣頌
河清之祥拊熙運於昭朗按崇垣而燕翼詒厥御層
觀而龍德正中裸圭恭禋雲日爛祥和之候奎壁流
彩草木被昭回之光天仗纒迴於朱欄長隨簇地冠
冕羲輪初昇於畫棟俯瞰滿城烟花詩詠徹桑壯一

方扞禦之策地符觀華獻萬歲請祝之辭敢贊隆棟
之休庸陳侑匠之什

兜郎偉拋標東蒼龍門對朝宮春浮榆柳交翠日暖
旌旗颺紅

兜郎偉拋標西佳氣長浮遠堤悅若伏羲親見龍淵
喚起風驪

兜郎偉拋標南松柏喬山翠含工祝朱絃玉瓚侍臣
碧鏤銀函

兜郎偉拋標北瑣闥遙連紫極詞賦蓬萊唱名先占
日下雲色

兜郎偉拋標上門向層城有伉至治馨香允并溥溥
甘露天貺

兜郎偉拋標下桑麻晝蔭盈野萬安橋底泉流遙向
柳川日瀉伏願上樑之後城府增鞏棟宇生輝地若
有待於今辰喜象設之孔通天其永命于新邑占鴻
基之益綿

都承旨黃昇源製

講武堂上樑文 正宗丙辰

伏以于茲萬年永天休鞏金湯於新邑不可一日忘
武備羽組練於廣場鞏華生輝虎旅增氣蓋聞漢馮
翊北軍之衛郡則重於股肱宋興國西郊之堂士各

試於距踊于以習坐作進退之節匪直為崇閣瑰麗
之觀顧茲華城珠丘月遊之鄉鑿鐸歲臨之地山從
八達飛龍舞鳳之萃于斯地秘千年靈烏神龜之叶
其吉氣佳哉鬱鬱山益高而水益清吾行也遲遲露
旣濡而霜旣降遂乃如豐之舊載觀于華猗歟北瞻
嶽而東瞻河幾勤乙丙之念居然千家井而萬家邑
粵自己庚以來舟車所集貨財所通即是湖嶺松沁
諸路之徑濊宮室為先倉庫為次以至塵市閭閻百
堵之皆興蓋移民移邑之資皆從經費外別畫凡一
堂一字之設無非孝思中是推爰稽鳳陽衛之建牙

所以永護仙寢亦粵龍武軍之駐輦欲其克壯王畿
遂因防禦舊營設為壯勇外衛節制相須於表裏新
揀十三哨親軍率伍素稱於精強曾是五千兵獨鎮
辟壘精彩常山之首尾互連原野飛騰朔方之身手
最健迺者鐵甕之載屹隱然鎖鑰之增嚴偉哉因衆
心而成十里之版築造訖煇乎若列星之繞千堞之
樓櫓聳瞻際茲關防之既完於焉訓練之有所占壇
塲之高敞射放步驟之恢乎其容起軒構之崔嵬將
領部曲之秩然以序洛南之御氣上襯密邇建鳳旗
之門漢北之將臺旁通平臨施兔置之野所貴簡閱

之有素豈以昇平而或踈冬狩秋獮夏苗春蒐周司
馬之講事中權左尊前茅後勁楚廣車之行師簡精
勇三千餘兵試擊刺十八般藝目旌旗而耳金鼓爾
踊令於五申右鞭弭而左橐鞬整部伍於萬甲駿蹄
星驚摠是範三驅獲雉之良鵠帙雲張率是挽五石
射生之手時則年豐民樂海晏河清貝冑朱綬爛乎
師干之試虹梁彩棟蔚為觀美之資暇日登臨晉郝
督之輕裘緩帶方春遊豫漢車駕之按轡徐行惟築
斯鑿斯之功奚但為綢繆陰雨顧輪馬與馬之美抑
可以藻繪山川肆將頌常武之餘音庸成助兕偉之

新什

兜郎偉拋樑東麗譙賓日出瞳瞳浮天滄海無兵氣
每夜平安燧火紅

兜郎偉拋樑西鏡歌唱罷暮雲低即今聖代兵農寓
解甲歸來日把犁

兜郎偉拋樑南秀碧蓮岑瑞色含歲歲元春朝寢路
萬株新柳長毵毵

兜郎偉拋樑北日下長安在咫尺百姓皆知親上誠
衆星錯落拱宸極

兜郎偉拋樑上佳氣璇丘長入望於萬斯年樂太平

洋洋陟降垂靈貺

兜郎偉拋樑下華虹門外衆流瀉將軍何必奏屯田
自是良疇千頃野伏願上樑之後率乘彌勵堂宇增
高五中發矢三中放丸遠邁漢都亭之肄習十萬蒼
頭六萬奮擊不啻齊臨淄之富強地利人和真億年
天作之固將謀士勇奏百里日闢之功

弘文提學
李秉昂製

訪花隨柳亭上樑文

正宗丙辰

伏以龍蟠虎踞崇墉壯鎖鑰之形鳥革翬飛層譙應
璿璣之次擅一方之佳麗樂萬世之昇平睠茲華城
鎮我赤縣漢馮翊之為左輔近接神京明鳳陽之置

文苑補遺

續編卷六

上樑文

十九

重兵祗陪仙寢天造地設待聖世而叶靈山結川融
眷至德而與宅爰作金湯之固庸新版築之功峻堞
連雲增漢南之氣色雄關挿地控湖右之要衝離宮
按太微之垣九重金闕寶象闔風之苑十二玉樓
成則在於衆心工不煩於民力惟彼雉城一面乃是
龍淵上頭萬朵芙蓉群峯獻飛舞之勢千行楊柳長
川展罨畫之光建孤標於丹厓獨占全府之形勝俯
圓鏡於碧沼特開別區之風烟遂命梓人載剏華構
脩棟亘渚並綵虹而連蜷高檻扞星共粉帶而迤邐
紅霞掩映春樹擁萬人之家翠浪縈紆烟條拂十里

之路層楹疊榭盛繁華於名都淡雲輕風樂遊衍於
佳節回宸矚而流峙動色揭美踰而花木含榮雕窓
洞開韶光駐化國之日鑿與時度御氣通上苑之春
城郭江山即聖人寓慕之地樓臺草樹慰父老望幸
之情屬舉脩樑恭伸善頌

兜郎偉拋樑東一字春山似畫中行殿常疑開黼座
扶桑瑞色曉先紅

兜郎偉拋樑西垂虹橋外護金堤人人解說留都樂
月下笙歌萬戶齊

兜郎偉拋樑南喬峯縹緲暮雲含羽林千騎朝元日

翠柏霏微露下甘

兜郎偉拋標北綠樹中間馳道直上有迢迢駐蹕臺
春風一簇旌旗色

兜郎偉拋標上瓊樓玉宇遙相望星中有柳月中花
天上人間應一樣

兜郎偉拋標下平田水白浮秧馬知時好雨占豐年
秋後黃雲盈四野伏願上標之後春光不老地靈陰
扶珠丘萬年長浮鬱葱之佳氣金城千里永奠磐泰
之宏基嫩柳夭桃盡作靈春之樹黃童白叟共樂康
衢之民佳興無窮太平有象

李書九製
官左承旨

得中亭上標文

正宗辛亥

伏以襟帶按三輔之固駐龍旂於拜園弧矢利四方
之威抗豹帟於射圃爰起如翬之華構肇錫中鵠之
嘉名睠茲隋城之雄州實是畿甸之重鎮兵馬擁五
千之衆儼若諸軍門規模舟車扼三南之衝屹然大
都會保障况自園寢安奉之日尤見山河拱衛之形
騫矯如螭龍之弄珠地鍾造化之奧羊茸若蓮花之
吐萼天作聖人之藏惟我主上殿下慕切羹牆感深
霜露抗舟梁於清漢一帶成康莊之塗張幄殿於新
州百里視門庭之近移日瞻之鑿仗觀月遊之衣冠

金粟基長發之祥佳哉鬱鬱葱葱之氣玉璫奉吉蠲
之享儉然陶陶遂遂之誠於是徒間井而蠲賦徭登
俊髦而試才藝於樹新影散雞犬而知家桂枝清香
集龍虎而宣榜爾乃停蹕於講武之館樹羊於肄射
之場山川鬱乎相繆眄良將擊劍之地風雲爛其交
會起明王聽輦之思于時御史進玉祀之弓司馬奉
金僕之箭彎成月滿含白羽於參連飛似星流中紅
心於一發萬自齊注爭稱矢道之同科七札皆穿但
聞鼓聲之連起周還中節工師奏騶虞之歌德行可
觀大夫按矍相之制仍設主皮之射更試臣鵠之才

濟濟冠紳恭遵讓一尺之禮赴赴韎韐悉趨備三耦
之班序賢簡能儼有折衝樽俎之志挽強命中爭奮
宣威沙漠之風咸仰君臣相悅之休斯為文武并用
之術已而鳴金收鏑舉旌行觴三軍之歡聲雷騰自
倍超乘之勇萬姓之喜色春溢爭先如堵之觀是謂
聖又多能允宜亭以志喜即地建閣翼然飛甍指事
命名煇焉寶墨采椽不斷倣古制於澤宮隆棟合規
應玄象於營室川原曠爽遙觀古西門之輪蹄靡宇
環聯常傳壯南軒之鼓角虬虎起蟠拏之勢奎壁爭
輝草木被昭回之光星雲動色銀鈎增九鼎之重金

夫壯六師之威海晏山晴千里之疆域不覺風和日
永萬品之惠澤旁流鑿輿載旋御六龍之雅雅鳳吹
前導見百獸之踴踴敢擬七德之歌恭獻六偉之頌
兜郎偉拋標東龍袍玉帶御彤弓黃間七縱無虛發
弦外遙聞瑟瑟風

兜郎偉拋標西三軍環立共沅睇紅旗一舉呼千歲
中的非高亦不低

兜郎偉拋標南佳氣花山滴翠嵐回望仙園莽蒼裏
數聲清磬自珠卷

兜郎偉拋標北三南大路入如織元春初下勸農綸

扶杖歡聲動八域

兜郎偉拋標上祥雲影裏開仙仗臨軒試藝蒐奇才
拊髀中朝思猛將

兜郎偉拋標下朱欄俯瞰茫茫野清晨畫角起三聲
御柳東風嘶萬馬伏願上標之後璇題炫日畫棟齊
雲喬山之松栢長青百靈呵護箕封之烟塵永熄八
方和寧千秋名亭瞻雲漢之有爛三春麗景望翠華
之常臨藝文提學
洪良浩製

西將臺上標文 正宗甲寅

伏以千里所止惟民和會新大邑三軍不可奪帥迢

文苑補遺 卷之二
二
遷臨高臺今此孰敢侮予其所托重者將曰惟華城
地勢實為青丘閔防山河效靈宛是臨安龍鳳之舞
父老掩泣如聞維嶺笙鶴之聲大邦維屏直北之城
闕匪遠重門以待三南之舟車並臻漠然山高而水
清奎將軍之毅魄如在久矣天慳而地秘柳處士之
隻眼若神倚我聖明克恢遠畧雲委霧集湧出撲地
之間閭風揮日舒絡繹自天之綸綍三里城七里之
郭創神機於迨天未陰一夫當萬夫莫開綿國祚於
如川方至於是捐帑金而千軍曲踊斷山石而萬顆
爭來龍淵送涼役丁收成雨之汗鷗浦息浪海若獻

千雲之材千堞崢嶸與國勢而並峙萬杵騰躍攬衆
心而共成所貴安不忘危何以守之得要如呼小兒
拜寧或漢太祖與同借問大將誰宜令霍嫖姚在此
粵瞻山八達其上可坐長千夫之雄揚峙之迫壑蒼
茫馬去牛來之歷歷可辨莎屯之邃樾慈菴魚麗鳥
翼之隱隱如排石城晴烽報平安於每夜南漢雄鎮
作犄角於千年四達為康五達為莊畫入指點之際
前軍曰茅後軍曰殿不出掌握之中古來先據山者
有功豈可不擇將而與敵花山萃嶺悅若蓮花臺削
成柳川澄澗尚想細柳營制置乃於烟嵐高處遂築

旗鼓崇臺翠蕤紅旂盪日星而相照雲龍風虎振光
耀而交迴制外居中仗鈇鉞而顧眄登高望遠倚金
壇而周旋生門死門豹韜之奇變莫測六伐七伐麟
閣之丹青有期白羽扇揮不聞喧於建牙吹角青繩
路直相告欣於聽鶯瞻旄風前之草木知名山中之
藜藿不採屬大事當一面朝廷之倚毗何如得猛士
守四方王國之安危斯係夫奚但唐奉先灑掃抑亦
為周洛邑保釐於馮棟宇之屹然益復聲威之儼若
丹梯縹緲不勞仗劍而登華構崔嵬且安運籌之坐
山礪險固表裏全體之無不諳滿堞深崇傍曲纖毫

之皆可悉材官賈勇逞技藝於軍前衆旅同心湊精
神於臺上仙寢咫尺長瞻佳氣之無時無行宮暮朝
每指祥雲之起處起恭疏軍旅之學助舉兜郎之踊
兜郎偉拋標東春營朝日鼓聲雄健兜叅謁誇身手
意氣腰間五石弓

兜郎偉拋標西浮天滄海失端倪鯨鯢不敢春吹浪
永夜樓船木宿低

兜郎偉拋標南禿城山木暮雲叅曾經鶴駕從容處
民到于今涕淚含

兜郎偉拋標北不雨何虹橋影直城頭不盡鏡笳聲

認是轅門戰勝曲

兜郎偉拋標上兵氣銷為化日朗雲裏仙人舞袖閒
抱琴玉女嬌相向

兜郎偉拋標下輕裘緩帶多閒暇令嚴街路少人行
明月懸空擊柝罷伏願上標之後彩變壁壘勢增金
湯東西郝之鎮坤維碧嵩清渭南北軍之應天象玄
武鉤陳武庫連延皆從出韓之強弓勁弩仁政苟達
可以捷秦之堅甲利兵陰陽開聽元戎五申三令
河清海晏奉明主萬歲千秋

右議政蔡濟恭製

東將臺上標文

正宗乙卯

伏以星羅三百郡州最茲華城新府雲屯六千兵馬
傑然元帥高壇出日之隅維天有設夫將者萬夫之
長臺者四方而高周建十連帥之官干城所以捍衛
漢授上將軍之印金壇即其權輿苟能托重而制權
壁壘旌旗精彩之皆變於焉發踰而施令天地風雲
竒正之所由前水澤石山陵古之法也徹桑土備陰
雨詩不云乎恭惟我聖上聖神文武之姿堯舜曾閔
之孝岡陵之頌泰磐之勢惟億萬年無疆休霜露之
感羹牆之思蓋二十載如一日及夫真龍啓千齡之
秘神龜叶三德之占軒丘之弓劍既安水益清山益

秀景寢之象設有儼松之茂竹之苞雖籩豆有司之
存恒勤憧憧聖念顧鑿鐸每歲之幸輒覺遲遲吾行
於是睠言桑梓之鄉作我湯沐之郡上棟下宇翬飛
鳥革之煨然一新沛水豐山雞鳴犬吠之達于四境
一年成聚二年成邑不煩茂陵之徒豪下馬管民上
馬管軍爰陞東都之留後兵不受五營之節制別是
畫戟轅門地則處三路之交衝詎無金甕鐵壁有宮
府必有城郭有城郭必有臺隍遂乃列粉堞於兩柳
川邊聳丹雘於八達山上斷自宸策規制畧倣於晉
陽指出帑藏工役不勞於虞部龍盤虎踞儼然環金

城而繞湯池地闢天開可以樹高牙而建大纛協守
將之羽翼三輔左右之掎角既成親軍衛之貔貅千
群春秋之蒐獮是講粵瞻梅香之舊洞素稱於社之
勝區左石城右廣陵平臨几案遠伽岑近毋岳羅列
兜孫千千歲回地靈符旃蒙之慶八八門闢天星分
析木之躔黃帝尉繚之書何必據北山者勝青龍福
德之象所貴從東方而來偉我衆心之成城屹然千
尺之累土風揮日霍突兀層霄之薨鬼運神翰崔嵬
他山之石北門之鎖鑰增重句陳太乙之拱紫宸西
臺之旗鼓相當岱宗華岳之分赤縣河清海晏顧何

事於用兵地利人和亦有待於命將惟此輪馬與馬
之美蓋因築斯鑿斯之功八總玲瓏披襟空中之閣
三軍靜肅注目勿字之旗金埒開舞馬之場是禮也
過君表逐水曲朱附簡射鵠之耦其節則騶虞旛豹
首章進鼓退金皆應子騁輕裘緩帶好是中軍至若
更上飛樓一層試向高臺四望春陵之佳氣接地衣
冠月遊長安之大道如天蓬萊雲近海航山梯之會
臯門應門男欣女悅之謠南里北里龍淵起縹緲之
楠千葉芙蓉虹堤駕蜿蜒之梁一道河漢三捷偉績
權忠莊之高峯百代清風崔文昌之故址周覽天府

之固亶出聖孝之推宮室之麗民物之殷蓋欲永命
于新邑城池既完士馬旣鍊亦必比隆於上都萬樹
之桃李成蹊旣臺又沼千畝之禾稼如坻寓兵於農
從此翼翼水城重於九鼎大呂豈直煌煌金鉞足以
千里折衝肆演當一面之謨恭陳助六偉之頌

兜郎偉拋樑東蛟龍尾角五雲中春營茄鼓無兵氣
方朔星臨箕水宮

兜郎偉拋樑西武庫清霜肅八倪小女風生金虎嘯
環壇點點參旗齊

兜郎偉拋樑南碧落均排丹鳥三歲歲花尊長樂壽

壽星來照瑞光涵

兜郎偉拋樑北萬古玄龜天正色四十五珠列羽林
師門獨掌元戎職

兜郎偉拋樑上九重八柱風雲盪紫微帝座三垣中
最是前星光彩旺

兜郎偉拋樑下三千大冢銀潢野自南自北自東西
摠入吾王大庇厦伏願上樑之後作鎮東國齊壽南
山授斧登壇將有不可犯之氣投石超乘士皆樂為
用之材府中之車馬若流朱幡翠蓋兵前之草木動
色虎畧龍輜羽旄天回細柳之介冑有禮刁斗夜靜

甘泉之烽火報安周文之為靈臺不以民力帝堯之

觀華封請祝聖人

直提學李
晚秀製

角巾臺上樑文

正宗丙辰

伏以三龜協兆新邑奠食墨之野百雉騰賀高臺跨
偃虹之門功既告成時若有待竊惟華城天作之地
寔為仙寢月遊之鄉物阜民殷遙管數十州節制山
萃水復宛似八百國會同若古漢扶風遺規關防壯
三輔之勢迨茲周灋水移奉神祇護萬年之岡翠華
空山尚想鶴馭之曾過香火靈殿長瞻龍旂之親承
唯此城邑之移占蓋倣湯沐之別設神籌默運工不

文苑補遺 卷六 上 標文
二一六
煩於水衡地利允臧功實邁於土國關鍵設險不啻
七里之郭五里之城井閭肇基居然三年成都二年
成邑瞻喬山之松栢鳳翥鸞翔儼古社之杙榆雞鳴
犬吠乃就新城之上特置小樓于東在羲和暘谷之
方度以土臬取安石東山之義名曰角巾粉堞遠抱
月之形山容左峙麗譙控連雲之勢野色前臨用處
則大纛高牙暇日則輕裘緩帶歌管飾勝率多南陽
之富豪弓馬爭能半是茂陵之遊俠八達之元氣葱
鬱繞仙園而長留一鎮之體勢崇嚴衛上郝而益鞏
奚但保障之增重抑亦流峙之改觀有蔚乎其深焉

廣陵諸峯之林壑其豁然而平者柳川九曲之桑麻
帆船隱映於簾櫳平攬一幅織縠雲烟起滅於朝暮
遙挹千朵芙蓉疇野蒼茫從古稱生穀之士郵亭錯
落至今說駐軍之墟始知大邑名都之中必有月榭
風楹之勝初下宇上棟之制飾繁華於觀瞻處五路
三劇之衝湊輪蹄於都會南樓玩月識雅量於登臨
北門留觴增國威於談笑虹蜺載屹阮彈般倅之才
燕雀交飛宜申張老之祝
兜郎偉拋樑東天設金湯氣勢雄臺上平臨滄海閭
扶桑先見日輪紅

兜郎偉拋標西太平笙管開芳堤春城却似新豐路
雞犬千家翠柳齊

兜郎偉拋標南象設崇岡瑞氣涵萬世靈符藏吉兆
驪龍擎出火珠三

兜郎偉拋標北洛陽城闕瞻宸極濛濛細雨柳榆陰
半和農謳歌聖德

兜郎偉拋標上花峯春色引仙仗東風吹到天香來
知是雲車貯鬱鬯

兜郎偉拋標下臺高欲挽銀河瀉漢南士女樂昇平
一闋風謠登二雅伏願上標之後鎖鑰彌固樓臺不

騫園樹有降露之祥佇見衍百祿之運臺隍迎出日
之瑞舉祝光四表之休

藝文提學
金載瓊製

新豐樓上標文

正宗丙辰

伏以城府近蒼梧之野聖慕皇皇門巷宛翠榆之村
高樓翼翼天回宮輦地開社筵蓋茲華府經始之圖
實惟聖人追遠之孝卜萬年儲祥之兆山川拱月遊
之儀寓千乘致養之心城邑翔歲覲之所歲月寢邇
於維駕顧睿慕將何少伸營府密邇於珠丘而聖情
靡不用極肆以見於牆之思乃有作于宮之休鑾蹕
頻回地符堯帝之觀華庭宇有殖義取周王之宅岵

美哉第三闈穹崇蔚然拱一府體勢挹佳氣於龍翔
鳳舞來萃八達崇岑翔宏規於鳥革翬飛迥臨兩界
要路塗獲載燬蓋取象於雷天賁鼓高懸爰警衆於
昏曉制度則六楹八翼突兀乎九衢十街粵百歲告
名樓賁成惟卯春奉慈宮臨幸仙寢展濡露之思羽
旄遲徊宮恩繫愛日之輝羊酒教讌念茲樓豈為夏
豫倚此地實猶漢豐中陽之門旁開萊衣問曉長樂
之觴恭獻於社迎春慈惠廣推士女飽賜醑之德春
詔浚發父老頌給復之仁雖向日鎮南之稱畧模枕
湖之勢顧我后準東之孝惟切此沛之心遂命改樓

扁曰新豐一營孰貅儼成關防之表裏千家鷄犬宛
分巷陌之東西仙園之松栢入望儼如見也名都之
樓臺對峙穆將愉兮管領一城風烟照臨三島日月
千堞告功於兩歲造物者殆若相之百堵不煩於一
民拱護之有所重矣誦詩人恭敬之語地是維梓與
桑追前哲玩賞之情亭有訪花隨柳恭將善禱之悃
敢陳助力之詞
兜郎偉拋樑東蒼龍門闢日輪紅樓前認是溫泉路
動植猶着渥澤中
兜郎偉拋樑南簾角分明極宿舍美酒十千仍大醑

滿城歌祝慈恩覃
兜郎偉拋標西高閣參差粉堞齊盧巷王壚何處是
兩行榆柳五雲低
兜郎偉拋標北覲坪一路思何極里兜和習老萊章
被以竹絲垂萬億
兜郎偉拋標上玉瓚并霏朱瑟唱基厚源深衍吉祥
大東一域承靈貺
兜郎偉拋標下縹緲朱欄控遠野回首長安橋底川
滔滔日與沛流瀉伏願上標之後棟楠生輝巷里增
廓風雲長護於圍樹則篤其禎山河環擁於樓壕永

綏茲土

右議政尹
著東製

華陽樓上標文

正宗丙辰

伏以壯規模於屏翰畿左雄府啟輪奐於棟宇城上
高樓保障無虞治平有象粵若華城崇重之制恭惟
聖人深遠之猷密邇寢園寵視自同湯沐控制湖嶺
形便仍是闕防所以勦建城闕樓臺為之賁飾山川
物色比周洛邑體貌別於松都沁都若漢沛宮行幸
每以正月二月於是虎踞龍蟠之增氣勢羣飛鳥革
之生輝光地秘天慳若有待於今日神翰鬼斷告厥
成於三暮乃若西臺餘支南維高處粉堞耀日可見

八門範圍畫棟翔空全輪一面形勝花山之佳氣慈
鬱蒼翠入瞻柳川之野色微茫風烟滿矚洪惟聖朝
九五第祿千一昌辰上際下蟠聲明物采之為盛東
漸西被薰腴功澤之難名大哉莫尚乎右文猗歟此
隆於前聖肆將華陽二字之扁特揭麗譙百尺之楹
雖是義經取豫之謨俾待暴於擊柝厥惟周書歸馬
之義示為武於止戈予以戡八千甲兵之威像三五
笙鏞之治營門笳鼓曉夜升平之音村間簫歌時節
豐稔之樂黃道開處仰日馭之駐暉翠華來時識天
顏之有喜奉明旨而踟躇恭陳兜郎之詞揚休命而

周章請效封人之祝

兜郎偉拋標東城頭日出霽雲紅龍淵流水平鋪去
七對門垂十丈虹

兜郎偉拋標西層層雲堞翠微低君王夜閱戎臺甲
萬炬千燈簇簇齊

兜郎偉拋標南鳳岫範巒望裏衆八達門前平似砥
車航瀛嶠路通三

兜郎偉拋標北五雲多處瞻宸極晴川歷歷長安途
楊柳春旗同一色

兜郎偉拋標上天文奎壁光昭朗洛南雲日捧瑤皇

鶴髮群仙來善養

兜郎偉拋樑下烟花萬家分里社朋酒公堂稱壽能
願將幽俗鳴風雅伏願上樑之後金湯永鞏丹碧架
新簷角風微宇宙之語燕相賀欄頭月隱睥睨之樓
烏不驚壽域春臺熙熙也群黎百姓堯天舜日巍巍
乎我后萬年奉朝賀徐有臣製

長安門上樑文

正宗甲寅

伏以周建采甸而作翰屏漢置園邑而供灑掃蓋奉
先思孝必重衛仙寢而謹明禋而強榦弱枝所以隆
上都而禦外侮肆於桑梓之郡屹此虹蜺之門惟茲

華城大都護州實是箕邦右扶風地負海臨漢跨王
京百里之疆控嶺扼湖據孔道四達之會美哉國有
山河之寶果然天設聖人之藏神龍弄領下之珠鐘
山之體勢壯麗金蓮吐鬚中之萼春陵之佳氣鬱葱
迨青烏卜我崇岡而玄龜食茲新邑西瀘東澗相地
理而占基舊沛新豐順民情而真業山川不改其列
長瞻衣冠之遊雞犬各識其家儼成粉榆之社於是
重宸推月覲之禮吉日定歲省之儀玉璫親將不盡
攀栢之慕弓劍孔通常寓見牆之誠山城遺氓尚誦
庚歲停鑿之教月岳高釋曾傳癸岡卓錫之符士女

經趨奚煩武陵豪傑之戶間并櫛此半是洛陽卿相
之園苟不築城而鑿池則何容民而畜衆正圭測景
逗金輿而并虛包山絡川飛玉斧而定界卿從庶從
之允協已驗賢都尉忱誠人謀鬼謀之與能暗契故
處士經畫爾乃命太史而諏日勅司空而商功斲雲
根於孰知之山異哉地獻萬顛拔虬棟於安眠之島
條爾風送千章豐隆運斤呼邪之聲動地列缺扇炭
鼓鞞之燄烘霄先定于午之方遂闢乾坤之戶隨斗
柄而正位玉衡下垂按明堂而成圖玄武左啓上起
二層之閣高出浮雲下通十字之街濶容方軌法象

履洛書之一範圍損郝城之三彎回若上弦之弓儼
有威四方之勢橫長類垂柳之葉宛是繫萬馬之場
夫里開百堵之廛其繩則直阡陌設三條之路如砥
斯平民募帑金猶惜用三日之力濠因溪水自成環
七里之形於焉蒐卒乘而峙糗糧因之陞衙門而尊
體貌倣松沁兩都之制官稱居留兼壯勇外使之名
秩并將相臨淄之車轂相擊人皆飯稻而羹魚鄂杜
之桑麻交加士多挾彈而走馬既生齒之益盛故育
才之有方臨軒進縫掖之群濟濟鹿鳴之髦俊張帳
試決拾之藝赴赴鬼置之干城東瞻李學士之遺庄

咸勵忠國之志北眺金節度之故壘競起敵愾之心
豈惟河東股肱之州抑為晉陽保障之鎮喬山之松
栢密邇護岑苾於千年湖畿之舟車相交扼咽喉於
一面張雲幄於翠巘俯瞰撲地之烟花按鳳笙於麗
譙長送朝天之冠蓋寇平仲之飲博邊塵不驚杜少
陵之倚樓北辰遙望茲成八達之頌聊助六偉之歌
兜郎偉拋標東八達山高四望同玉女彈琴何處降
祥雲擎出日輪紅
兜郎偉拋標西風帆無盡海雲低柳川一帶春如畫
桑柘綠陰布穀啼

兜郎偉拋標南天作仙園灑氣涵萬歲珠丘光照地
老龍閑弄卧深潭

兜郎偉拋標北連天大道如繩直丹綸遙自天邊來
冰繭猶露香案墨

兜郎偉拋標上華山冠岳森相向親軍百隊像魚麗
畫角城頭迎玉仗

兜郎偉拋標下日光照耀魚鱗瓦鋤歌饁唱樂昇平
好着黃雲盈四野伏願上標之後烏羊不騫魚鱗增
重龜巖鳳岳遙應并絡之祥光花岑柳溪常帶金粟
之瑞氣

大提學洪
良浩製

八達門上樑文 正宗甲寅
伏以設重防於新邑有屹崇墉度宏規於層樓相對
華構豈徒四方觀上都之美實出九重奉先寢之誠
惟茲華城一區從古畿甸雄鎮京師不百里而近天
設形便閔防處三道之交地屬控禦六千衆兵馬是
總猶傳外都監之稱九十坊民物孔殷不讓右扶風
之重粵自珠丘之移奉信覺桑鄉之敬恭扈弓劍於
萬年非復都護府舊治戒羽旌於每歲遂移股肱郡
新規其水某丘藹乎漢帝移豐之孝載疆載理猗歟
周王作洛之圖棟宇孔安於焉停蹕緹輻相屬遂至

成都錢穀甲兵之無不有焉士農工賈之心於斯也
當街列肆雜然齊市之磨肩獻賦談經洋乎魯絃之
盈耳生齒漸庶重之乃積乃倉事而益尊曷不斯築
斯鑿南隣北陌宜盡莫接之方大都名城自有扞衛
之所爰體大易畜衆之象聿追古人撤桑之謨駐鑿
輿而胥原土圭定界授虎符而董事畚鍤赴工雲根
效無盡之藏地豈愛寶鑿鼓奏弗勝之響人自趨風
輿徒效勤倘鬼神之借力工技彈巧倏虹蜺之成形
北門之樓纔完南城之棟已屹張闡叶度子午之方
位不差事功趁期乙丙之聖念稍弛材取安島穩見

舟車之日輸路通喬山悅陪衣冠之月出土女聞而
歡欣相告行旅簇而觀瞻頓新金城湯池長護無疆
之業翠甍丹楹永奠不技之基眺望極稻魚之鄉別
是勝縣包絡多鍾鼎之宅樂此新居雖保釐肩於兩
郝獨威重首於八路苟不備壕塹之制俾民生處休
則何隆園寢之儀於聖心有校功費悉出內帑豈由
賊德之宣昭力役不奪農時咸謂先庥之履燾敢效
郎偉之頌用侑匠氏之勞

兜郎偉拋樑東龍淵曉旭先紅盛得祥和一域年年
順雨調風

兜郎偉拋樑西八達山高與齊上田耕牛來去中亭
畫鵠平低

兜郎偉拋樑南柳川春水如藍珠丘象設孔邇佳氣
日夕來參

兜郎偉拋樑北紅雲直指京國父老歡迎翠華封人
請祝聖德

兜郎偉拋樑上屹然畿甸保障衆心久已成城衢謠
互答樵唱

兜郎偉拋樑下豐歲黃雲滿野文教三舍絃歌軍容
百隊弓馬伏頭上樑之後地靈潛扶天休滿至山河

表裏控大邦而有光楹楠穹崇垂永世而維固判府事李

命植

蒼龍門上樑文 正宗丙辰

伏以園陵固有神奉衣冠於原廟王公以守國拱襟帶於重關問是城東之門特為漢南之勝念茲華府封我珠丘黃雞啓期地闢靈區之運青烏告瑞天與聖人之藏卜云吉於龍盤兆又叶於龜契水若增清山若增麗一方之風氣肇開二年成邑三年成郡四境之民物漸盛蓋軫仙鄉之拱護故勤園邑之經營玉札披圖金科設範內則設壯勇外則兼整理穆然

遠覽之宏規下不用民力上不煩大農猗歟獨運之睿斷雲根劈巨靈之斧若有造物者相之星緯耀營室之躔可期不日而成也於焉因河為池踐華為郭所以五版而堵百雉而城一曰分數二曰材料三曰壕塹四曰築基寓聖智於籌畧相其陰陽觀其流泉度其隰原夾其皇澗屈群策於指揮必待樓櫓之雄方見鎖鑰之壯引重致遠甲穀辰轄之制初領正位辨方于城午樓之役伊始雒陽經緯之度正仰宋祖之開諸岱宗巡狩之儀宜備虞皇之闢四乃點析木之次遂對扶桑之墟挹八達而西瞻上近蒼陸開一

文苑龍龕 卷二 四十一
面以東制前臨龍城將以鞏金湯之形于是駕虹蜺
之勢豫章榎楠之并湊風送鷗浦之帆藻栳棟楠之
載新雲連蛟淵之閣鐵閤高聳比長安三輔之尊金
榜初懸應攝提七宿之躡守之則固名言在茲蕩蕩
乎不得攀固地險之足恃蒼蒼者其正色蓋天用之
莫如三采六等之輝時回益春之駕九章五色之繪
夢符前夜之祥先得日於晨門光觀鼇海之瑞彩朝
飛雲於畫棟影蘸虹渚之清波衆心以成一遊為度
樹中天之華闕美哉山河寢景岡之旅楹怵焉霜露
顧宸慕必敬桑梓而邑社迺名於榆漢移五陵之豪

蓋為金粟之密邇周勃三門之路長願璇寢之瞻依
乙卯至于洛師奉觴長樂之酒君子保其家室載絃
斯干之詩色取三八之左青德配九五之天御清宵
朗月拱南樓之登臨雅歌投壺倚北門之外禦肆將
萬年之頌恭助六偉之詞

兜郎偉拋樑東仰着前星繞震宮奉壽堂深春似海
千年慶會記旃蒙

兜郎偉拋樑西鱗鼈一曲耀紅題紆回楚色迎華驛
得意花陰散碧蹄

兜郎偉拋樑南拂陌采桑赴養蠶九月幽郊聞社鼓

朱陽新繡映花籃

兜郎偉拋樑北遲遲輦路青繩直華山小雨駐鳴鑾
宿夜賔哥攀御墨

兜郎偉拋樑上天門曙色雞人唱新城制置由宸謨
摸得花心柳葉樣

兜郎偉拋樑下飛鷹奔走鼠吾冷添來九幅方輿圖
畫鋪煙墩入影寫伏願上樑之後歸周馬於華陽真
羲馭於陽谷乾為戶闢坤為戶闔往來不窮謂之通
耕者於野仕者於朝行旅皆欲出其道

內閣知製教
尹行憲製

華西門上樑文

正宗乙卯

伏以設百堵而護仙寢拱衆星於北辰立四門而象
明堂闢總章之右介美哉西城鎖鑰屹然南國藩維
惟其築斯鑿斯之遠畧宏圖已經一二臣備述至若
作之屏之之至誠達孝宜從內外營詳陳粵自御極
初展園之時已決拜峯山遷奉之議環封之佳氣葱
鬱非之漢灞陵安安失道之故流縱橫竊恐周灤水
衝啣按輿地而密遣臺史遍踏幾百里畿湖對皇天
而恭俟靈庥積費十數年日月適此時營牙之肇勦
而衆人端倪之莫窺其制也唐府宋廟托心腹而處
肘腋謹述乎太祖光廟踰壯勇而練韜鈴開屯田則

寓兵於農尊衙門則置將口使瞻彼和壘爭說軍容
之一新宅是鎬京誰識睿度之先定猗歟自天申之
千年福地卜在太歲酉之七月仲旬真龍抱珠宛道
師傳鉢之訣元龜食墨叶聖人葵衣之丘鬼秘神慳
若有待也日良辰吉庶無憾乎苟不置城闕井閭隆
上郝於兩漢三輔則何以襟帶控引衛崇岡於萬歲
千秋肆就敬桑梓之鄉仍作蔭枌榆之社測土圭於
楚室聽鑿鼓於周原徙邑治而負八達之山魚鱗擲
比之織織俾保釐而司三軍之命虎符金節之煌煌
路接蒼梧陟降孔邇營開細柳名實不虛精彩倍增

可驗由中而著外文武并用何妨弛逸而張勞地分
京鄉莫曰號令之各主職貴體貌特許位次之獨尊
峙糗糧繕甲兵固所同也供灑掃掌整理反不重歟
是知立內營規模亶出作外使基址取之三易先後
天之體用互資此諸五音金玉聲之條理不紊始也
落落難合安排布置之默運多年今焉節節相符洪
纖巨細之各得其所顧臣隣傾蠡測海殆似不識不
知雖婦孺披雲覩天咸曰乃神乃聖蓋是舉既合天
理伊衆務必順物情拓兩營之範圍煊然辟壘旗鼓
寄一城之拱護峙乃郊遂榦楨百雉毋過傲箕都父

師之制三日不用止靈臺子來之民鬱林石徂徠松
地不愛寶郢風斤公輸墨人皆効能繞經癸甲乙璇
杓之轉移已見東南北綺樓之突兀賓門闢四禮為
貴者以多舉隅反三義不可乎闕一乃於說以兌之
地爰講取諸豫之功星宵中殷以仲秋即羲宅平秩
成之所帝小皞金為盛德亦萬物各就實之方閭闔
迎風呼來庚天之隼山澤通氣噓成駕雲之虹耀軒
弧於洛南浮玉效賁奉堯搏於長樂蟠桃佐肴高臺
俯臨山出仗鉞之將爽氣時入野多拄笏之賢作新
邑而奠基體勢頡頏於東洛望美人而取義稱踊折

哀於西華威不啻於負嵎自成藜採之衛雲亦靈於
在水相對禹鑿之門環之以星羅鈎陳象設永固時
則值塵清樂浪魚鑰不驚巷連康衢迎翠華而祝聖
田臨雍壤納黃雲而騰謠象用亨於周王實受其福
法洞開於宋祖政如我心於焉合表裏而併觀洵然
若造化之無迹村扃不擾兵團五司倉儲自如郭連
七里向不使立經陳紀建標準於京師那能如合土
範金鑄樣子於外府八方拭目皆仰聖籌之出常百
為從心莫非孝思之推類龍大將虎大將楚廣相須
古西門今西門漢豐不改合為單營離為兩局奚啻

若鳥翼車輪華於麗譙高於齊雲着處是暈飛矢棘
是所謂若獲神助大可見不技洪基載舉脩標恭陳
善頌

兜郎偉拋標東噓來蒼陸太和風高樓迥對扶桑日
花木先春造化功

兜郎偉拋標西山接岐梧鳳在樓間說重溟波似鏡
乘風無鏗萬帆齊

兜郎偉拋標南群鸞拱揖似朝參年年薦蕊心香上
園樹休徵瑞露甘

兜郎偉拋標北是日鑿輿從禁極百隊純貅內外營

前茅後殿來如織

兜郎偉拋標上慈駕天臨千乘養三月花風秩秩筵
餘恩及老頌鳩杖

兜郎偉拋標下屹屹崇墉環大野萬戶千門次第開
士農軍伍工商者伏願上標之後國勢如泰衆心成
城喬山松杉長帶萬世之雨露轅門旌纛交輝二營
之風雲

弘文提學
徐有隣製

華虹門上標文 正宗丙辰

伏以雲漢倬彼章一天而昭回虹流注茲標持地而
高起誕膺古瑞載揭新扁盖伏聞成王作二京之治

式遵寧考遺志左思撰三都之賦備述昭代宏規天
津擅古今繁華詞傳二十四明月地運有晦顯遲速
歲待千五百昌辰猗與我華城昔稱漢京藩屏今作
晉陽城闕園陵之松梓密邇瞻衣冠之月遊嶺湖之
道途底平通舟車之日湊發琬琰於空石地名先符
拔柝械於達山天心可見同靈臺之經始日數萬子
來之民奉長樂之杯觴歲八千甲圻之果乃於華胥
之渚爰立虹橋之門鳳舞龍飛引落水於天目蛟盤
虎踞通秦淮於石頭窪窪近北辰之居門列千峯華
嶽滔滔為南國之紀川浮一道虹光肩長安而對達

樓宛是宋鎖鑰斯壯挾華亭而臨柳澈依然周皋應
有伉時則日馭臨而玉女明星備灑掃於黃道華蓋
指而青蜺紫蜃交凌亂於玄波門闢萬年之基伏玄
龜於柱下橋成半月之勢見青龍於水中灌稻田而
黃雲穰穰鉅野盈矚蘆芳堤而綠波潑潑霈澤同流
是門也象極道而直連去天室而無遠光嶽之雲霞
相接曳神霓而飲河花嶺之日月高懸雜人煙而撲
地受萬谷之涓滴仍成巨陂淪千里之波瀾終歸大
海是謂山明水麗神仙之府地秘天慳呈露之時俯
瞰則內外營紕緜分鋪不啻若北豫南豫遠眺則上

下村雞犬各識頗有似新豐舊豐臨前川而詠歸得
訪花隨柳之氣像陟斯樓而頰仰與天光雲影而徘徊
袖茲因呼邪敢效贊偉

兜郎偉拋樑東千秋萬歲華南宮偃龍橋下清泠水
元氣長流不霽虹

兜郎偉拋樑西瞻望喬陵佳氣齊一樹梧桐花發夕
九苞祥鳳爰來棲

兜郎偉拋樑南群飛鷗鷺滿清潭游魚亦識君恩重
爭涉春波香餌含

兜郎偉拋樑北如天大道連京國星羅四百域中州

萬象芸芸咸會極

兜郎偉拋樑上珠囊金鏡宣鴻朗虹梁百尺命維新
大德川流承景貺

兜郎偉拋樑下百川浩浩歸南野奔波日夜注虹門
萬井烟花洗白打伏願上樑之後彤車白馬法神堯
觀華之儀于麟斯螽承少昊繞虹之慶開雲扉而納
百福瓜瓞絲絲酌靈泉而添萬壽流波滾滾于斯時
也景星增彩薰琴御風勅天宸章颺百工而賡載湍
城輿誦播八域而和余門以永存川流不息

迎華館上樑文

正宗丙辰

判府事
尹塾製

伏以粉堞巨蜺關防壯三輔之勢華人望翠棟宇控
八鑿之塗似是馬曹瞻我旄羽惟茲華府初行宮之
舉寔出聖后奉寢園之誠相陰陽而護龍盤卜神慳
鬼秘之兆壯樓櫓而拱象設推日瞻月覲之思考思
攸孚周高山之天作陟降如在漢新豐之地移錢穀
豐峙軍制修明屹保障於畿甸市陌分列城池周匝
匹壯麗於京師第此漢南雄都差少城北人戶外營
之規畫漸備縱有臺隍之連雲後野之空曠尚多未
見閭閻之撲地顧民居若為成聚伊周道實合置郵
使車星馳最關馬政之接應郵戶雲集可占鳩居之

經營遂命居留臣相基乃以良才道移驛傍立巖而
築址允叶坤牝之貞向文城而構軒宛對天馬之狀
離城門百許武稍稍村落之自成立館宇五十間翼
翼棟楠之高起官居諸驛中首意非偶於新移路出
六飛前頭錫維何於嘉謫試者朱欄高處恭瞻翠華
來時仙寢起濡露之思清蹕載通郵亭叶就日之悃
彩仗徐回駿騎風馳隨岳牧而覲取輦路天近先父
老而覲儀佳名旣扁於塘亭華額亦宜於郵舍遂特
賜名曰迎華館地符堯皇之觀華和封祝而伸誠野
闢衛后之稅桑借官人而效職沂西之畜漸殖地利

莫如冀北之群不空天顏有喜小塘供日哦之興雄
州添霧列之形蓋城邑崇飾之圖專出聖慕故郵館
措置之美悉經睿裁銜挈家人戴鴻恩於百口坪臨
大有獻牧夢於萬箱御躡蹠之風鬢道路聳視迓縹
緲之日馭軒宇生輝恭將齊人間齋之誠要贊郢匠
隆棟之吉

兜郎偉拋樑東光教山光瑞靄籠望幸年年誠未已
峯頭日出每擎紅

兜郎偉拋樑西長林大野翠高低恭知聖德傳郵速
柳外牽來霧鬣齊

兜郎偉拋樑南滿山松柏白雲叅居民尚說溫泉路
一望山河舊澤涵

兜郎偉拋樑北畫棟迢迢拱紫極羽衛葳蕤肆覲坪
天臨尺五欣欣色

兜郎偉拋樑上雉堞神功若有相一府規模今告成
小官猶助北門壯

兜郎偉拋樑下春兩桑陰綠滿野夢罷三清白日遲
池塘閑浴在垆馬伏願上樑之後驛里叱擲馬群屯
雲抱邠民爭歸之誠密通行殿之瑞彩詠魯人斯滅
之什奔走屬車之清塵

京畿監司
李冕膺製

迎華亭上標文 正宗丙辰
伏以湖開而天下平形勝所以開時運亭成而歲物
樂澤利所以宣上恩以若名區二美之俱別有新扁
三復之旨標歌且殿華頌是聽顧茲華之義大矣哉
惟其實而用如何耳若山曰華而鍾靈毓吉仙寢乃
安於萬年若城曰華而繚白縈青王畿有待於今日
烟花八百攢瓊霄而衛珠丘綺羅三千列麗譙而控
紫籞天仗移館曰于華觀御墨題堂亦以華請橋門
屹流虹之渚山樓耀歸馬之陽至若斯亭之錫名寔
在初界之交會三路之冠蓋南下皇皇者于役之原

五雲之蓬萊北瞻渺渺兮依斗之望及夫重宸儼春
雨之感吉日回歲覲之期簡率乘省從官儀同問寢
仍田塍宿掃除路慣和鑿舊要山川帶雨露而增色
新豐父老見羽旄而相欣於馬翠華之迎允合紅亭
之飾然聖衷取為已有而乃名則獲予心遲遲峴路
遲遲來時異於去日簇簇山花簇簇遠瞻忽其近前
車駕于茲而色康弓劍在彼而神違是上下交相迎
也由前後不亦宜乎蓋此突兀然起華薨非侈觀於
道左適因泓淨之開特地自迥臨於岸南其洞則菱
荷距長安北三里而埃其野則杭稻在大有西萬石

文苑叢書
卷之三
五十一
曰渠粉堦後羅紆如珠絡翠巖前疊爛若雲屏曾是
荒墟迆涉之川亦皆下地塗泥之土西瀘東澗孰知
顯晦之有時去馬來牛空見水草之不關一朝靈龜
食邑長虹偃堤際日月之光華若旃蒙肇開庶物發
天地之慳秘殆造化陰遣巨靈有城郭必有人民非
土穀而曷養開阡陌以開斥鹵即膏澤之無窮楚叔
敖之起芍陂千鍾雲萬家兩秦鄭國之鑿涇口一石
水數斗泥况茲寓兵於農倣漢屯之遺法教民以耦
收周井之良規掘鑿之溉壑之悉資聖策大本也先
務也咸仰睿知謂遷戶迄未成都惟負郭乃可制產

不煩經費不侵興作捐帑貲二百萬錢勿遺地利勿
助苗長得水田三十九頃權輿乎足華民之食潤邑
夫改革邦之觀於是四顧綺紛俄然一面鏡碧荷香
桂子既衆芳之披襟鴻雨鯉風詎無庇於觀稼如意
橋之駐車馬皆思憇休整理使之交印符亦合結構
遂營五架八楹之制不嫌郵亭野館之同龍淵讓風
先一頭龜川退水利三舍松楠如矢雖非厦屋之楹
楠蘭檠繫洲之為榮觀之羽翼宴而有滁太守之樂
朝暮四時過者為衢老人之歌作息百歲城中蠶箔
翳桑柘之樹陰社里秧車走楊柳之官道朱華與繡

翼交水景暖波清黃雲和白露為霜稻穫魚初爾乃
倉箱既積夫里攸同歲曆降祥野占三白輿情望幸
門開五康駟飛交而知呼吸天通鳳銜過而覩恩渥
日霈仁政自經界始既真林慈聖慕由羹牆未如遇
昕夕是以停驂焉必於此名亭焉匪以他瞻松栢之
蒼蒼孰非藹不匱之思喜龍鳳之飛舞猗歟迓長發
之休股肱湯沐之與榮物惟天寶草木鳥獸之咸若
率為元符敢述封人三祝之辭庸助郝料六偉之響
兜郎偉拋樑東春臺瑞日瞳矐出泉峯壑吐紫布野
犁鋤帶紅

兜郎偉拋樑西彎環半月長堤噴珠尾閭千斛搗玉
良田萬畦

兜郎偉拋樑南花岑遠出晴嵐王心式恭桑梓帝力
何有農蠶

兜郎偉拋樑北葦前大道繩直介胄千隊跪迎壺漿
百里加額

兜郎偉拋樑上聖德齊天昭曠幸茲生作華氓豐年
壽考嘉貺

兜郎偉拋樑下水自波無風也明月前船後船芙蓉
萬朵千朵伏願上樑之後堤埒崇阜塵清屬車銀潢

文苑叢書 卷之六

醴泉去作人間之甘兩南山北斗長獻馬上之瓊卮

水原判官
洪元變製

文苑叢書續編卷之六

